


皇歲

華

紀

麗覽







皇 覽

撰 人 不 詳
孫 馮 翼 輯

編主五雲王

編初成集書叢

種一他其及覽皇

中華民國二十六年十二月初版

發行人

王雲五
長沙南正路

印刷所

商務印書館
長沙南正路

發行所

商務印書館
各埠

張

皇覽序

魏代諸臣撰集皇覽。據魏志言。乃劉劭王象奉勅作。史記索隱則云。王象繆襲等。隋書經籍志。復稱繆襲爲繆卜。唐志不載。竊疑襲卜本一人。而名字互見。然襲於史無專傳。不可考矣。玉海藝文門。備引隋書志。而又有韋誕撰皇覽之說。未知本於何書。阮孝緒七錄所載。本六百八十卷。至隋而僅存一百二十卷。唐時之本。則何承天所合併。亦著於七錄。而闕一卷。隋志云。皇覽二百二十卷。梁六百八十卷。梁又有皇覽一百二十三卷。唐志。何承天併合皇覽一百二十二卷。又徐爰合皇覽五十卷。唐志稱八十四卷。何以徐本。閱唐而獨增多。且其本既見唐志。則與何本隋志並云亡者。誤也。隋志云。徐爰合皇覽五十卷。又皇覽目四卷。皇覽抄二十卷。蕭琛抄亡。惟皇覽目及蕭琛所抄。或亡於隋時。故唐志祇載何徐二本。繆氏舊著。唐人已未及見。後更無論矣。其書採集經傳。以類相從。實爲類書之權輿。魚豢魏略。稱爲部四十餘。部有數十篇。合八百餘萬字。見魏志楊俊傳注。今緝逸篇。雖不審昔人所引。是否繆著。抑係何徐併合。第其分篇可見者。則有逸禮。及冢墓記二篇。劉昭續漢祭祀志補注。載逸禮春夏秋冬天子迎四節之樂。刊本誤以逸爲迎。證以藝文類聚。北堂書鈔。歲時部。太平御覽禮儀部。引語相符。並題皇覽逸禮。知逸禮確爲篇名。但其禮似依呂覽月令淮南時則訓而成。儀文則所記當是漢禮。故劉昭以補漢志。特其標名取逸。義有未詳耳。至藝文類聚人部。引史鮑以尸諫衛靈。太平御覽職官部。太公周召爲師保傳諸語。則非記漢事。

然皇覽採集經傳。搜稽宜不以代爲限。類聚等祇稱逸禮。不題皇覽。或傳寫脫字。今故依次附於篇。若三皇禪云云。五帝禪亭亭。巡狩之禮。尊天重民。巡循也。狩。牧也。北堂書鈔禮儀部。文選東都賦注。各稱禮記逸禮。太平御覽禮儀部同。禮記二字。似有訛舛。其語又與白虎通封禪巡狩篇近似。疑皇覽採諸班固。第諸書未題皇覽。難以臆定。是以錄後存考。以俟識者。冢墓記分篇。史記集解索隱等書。共引六十餘事。雖未盡題冢墓記名。而舉一例餘。其類顯而易見。然漢東平思王冢上松柏皆西靡一事。漢書本傳注。引稱皇覽。而文選劉峻重答劉秣陵書注。引語尤詳。則題聖賢冢墓記。按隋志史部地理類。有李彤撰聖賢冢墓記一卷。乃別自爲書。選注劉先生夫人墓志。又引孔子冢一事。語雖與皇覽冢墓記大同。而不得以李彤所撰。認爲皇覽也。又太平寰宇記。引有古今葬地記。古今冢墓記。城冢記。御覽引有蘇州冢墓記。皆不著於隋唐志。當是唐以後書矣。劉昭補注漢禮儀志。述漢家葬儀。引皇覽而無篇名。觀其文義。以入逸禮冢墓記。俱可相附。漢書貨殖傳注。述計然事。御覽文部。載金人器銘。則二篇俱不相附。今三事皆別錄終編。以無能分篇也。金人器銘。稱皇覽記陰謀。困學紀聞並同。似記陰謀。亦一篇名。而他無考見。則寧爲闕疑。余獨惜此書篇部衆多。而徵引僅取二篇。且又冢墓記見引數十倍於逸禮篇。致使司馬貞作索隱。專謂記先代冢墓之處。宜皇王之省覽。蓋祇見裴駰集解。惟引冢墓記中語。遂強成其說。然則皇覽雖存於李唐。而貞固未見本書也。

考證

魏志文帝紀。帝使諸儒撰集經傳。隨類相從。凡千餘篇。號曰皇覽。

劉劭傳。劭受詔集五經羣書。以類相從。作皇覽。

楊俊傳。裴松之注。引魏略曰。王象受詔撰皇覽。使象領祕書監。象從延康元年始撰集。數歲成。藏於祕

府。合四十餘部。部有數十篇。通合八百餘萬字。

唐六典卷十注。黃初中。以散騎常侍王象領祕書監。撰皇覽。史記索隱。五帝本紀注。皇覽。書名也。記先

代冢墓之處。宜皇王之省覽。是魏人王象繆襲等所撰也。

又滑稽列傳。壘竈爲梯。索隱。按皇覽亦說此事。以壘竈爲梯突也。又衣以火光。皇覽云。火送之。著端葬

之腸中。隋書經籍志。子部雜家。皇覽一百二十卷。繆卜等撰。梁六百八十卷。梁又有皇覽一百二十三

卷。何承天合皇覽五十卷。徐爰合皇覽目四卷。又有皇覽鈔二十卷。梁特進蕭琛鈔。亡。

唐書藝文志。子部類書類。何承天併合皇覽一百二十二卷。徐爰併合皇覽八十四卷。

玉海藝文類曰。類事之書。始於皇覽。韋誕諸人撰。

困學紀聞曰。皇覽記陰謀。黃帝金人器銘。武王問尙父曰。五帝之誠。可得聞乎。尙父曰。黃帝之戒曰。吾

之居民上也。搖搖恐夕。不至朝。故爲金人三封其口曰。古之慎言。此下太平御覽文部所引尙有十餘句。按漢藝文志。道家有

黃帝銘六篇。蔡邕銘論。黃帝有巾機之法。皇覽撰集於魏文帝時。漢七略之書猶存。金人銘蓋六篇之一也。

皇覽一卷

逸禮逸禮漢志注刊本。或說伊迎。以御覽所題逸禮。知參刊誤。

清 瀋陽孫馮翼輯

春夏秋冬之樂。又順天道。是故距冬至日四十六日。則天子迎春於東堂。距邦八里。堂高八尺。堂階三等。青稅八乘。旗旄尙青。田車載旄。號曰助天生。唱之以角。舞之以羽。翟。此迎春之樂也。自春分數四十六日。則天子迎夏於南堂。距邦七里。堂高七尺。堂階二等。赤稅七乘。旗旄尙赤。田車載戟。號曰助天養。唱之以徵。舞之以鼓。鞀。此迎夏之樂也。自夏至數四十六日。則天子迎秋於西堂。距邦九里。堂高九尺。堂階九等。白稅九乘。旗旄尙白。田車載兵。號曰助天收。唱之以商。舞之以干戚。此迎秋之樂也。自秋分數四十六日。則天子迎冬於北堂。距邦六里。堂高六尺。堂階六等。黑稅六乘。旗旄尙黑。田車載甲。鐵鑿。號曰助天鋤。唱之以羽。舞之以干戈。此迎冬之樂也。劉昭續漢志補注。又太平御覽卷五百二十八禮儀部同引此。惟首句上。增天子迎四節曰天子迎九字。又田車載旄。作戟矛。田車載戟。作戟弓。田車載兵。作戟戟。田車載甲下。加鐵鑿二字。助天。作助天誅。舞之以干戈。作舞之以。所以迎四時樂。秋養九志於西堂。冬養九勝於北堂。養後三日而止。天子行殺。必順天道。御覽多此六句。然僅言秋養冬養。而無春夏。夏則衣赤衣。佩赤玉。乘赤輅。駕赤騶。載赤旗。以迎夏於南郊。其祭先黍與雞。居明堂正廟。啓南戶。藝文類聚卷三歲時

部·初學記卷三歲時部·太平御覽卷二十一時序部·又北堂書鈔卷一百五十四歲時部·引夏則居明堂正廟·一句·

秋則衣白衣佩白玉乘白輅駕白駱載白旗以迎秋於西郊。藝文類聚同上秋居明堂右啓西戶。北堂書鈔引此二句·

冬則衣黑衣佩元玉乘元輅駕鐵驪載元旗以迎冬於北郊其祭先豕居明堂後廟啓北戶。藝文類聚同上太平御覽卷

二十六時序部·

君使大夫弔於國君禮錫衰衰裳弁絰有絰下馬大夫爲介亦如之士介者將命者總麻裳弁絰異姓葛

同姓麻。太平御覽卷五百六十一禮儀部·

已上諸書所引並題皇覽逸禮。

衛史鰭病且死謂其子曰我死治喪於北堂吾生不能進蘧伯玉而退彌子瑕是不能正君也生不能正

君者死不當成禮死而置尸於北堂足矣靈公往弔問其故其子以父言聞於靈公公失容曰吾失矣立

召蘧伯玉而貴之召彌子瑕而退之徙喪於堂成禮而後去。藝文類聚卷二十四人部·

天子之著九尺諸侯七尺大夫五尺士三尺著千歲三百莖先知也。藝文類聚卷八十二神部·

太公爲太師周公爲太傅召公爲太保。太平御覽卷二百六職官部·

天子龜尺二寸諸侯八寸大夫六寸士民四寸龜者陰蟲之長也龜三千歲上遊於卷耳上老者先知故

君子舉事必考之。太平御覽卷九百三十一麟介部·

已上四事。祇題逸禮。而不著皇覽。附編存考。

三皇禪云云。盛意也。五帝禪亭亭。特立於身也。太平御覽卷五百三十六禮儀部。又北堂書鈔卷九十一禮儀部。祇引禪云云亭亭二句。而無特立於身二句。

王者必制巡狩之禮。何尊天重民也。所以五年一巡狩。何五歲再開天道大備。所以至四嶽者。盛德之山。

四方之中。能興雲致雨也。巡狩者何。巡。循也。狩。牧也。爲天循行牧民也。太平御覽卷五百三十七禮儀部。又文選卷五。巡狩者何。巡者。循也。狩。牧也。謂天子巡行守牧也。

尊天重人也。巡狩者何。巡者。循也。狩。牧也。謂天子巡行守牧也。

已上二事。題禮記逸禮。未審是否皇覽之文。今依類編於末。

冢墓記

黃帝冢。在上郡橋山。史記集解卷一五帝本紀。

顛項冢。在東郡濮陽頓邱城門外廣陽里中。頓邱者。城門名。頓邱道。史記集解同上。又劉昭補注續漢郡國志。王莽時。使使者祠

顛項冢。太平御覽卷五百六十禮儀部。多王莽時二句。而無頓邱者三句。續漢志補注。同無。又水經淇水注。引頓邱者。城門名。二句。

蚩尤冢。在東平郡壽張縣闕鄉城中。高七丈。民常十月祀之。有赤氣出如匹絳帛。民名爲蚩尤旗。肩髀冢。

在山陽鉅野縣重聚。大小與闕冢等。傳言黃帝與蚩尤戰於涿鹿之野。黃帝殺之。身體異處。故別葬之。史記

集解同上。又水經濟水注。黃文類聚卷四十禮部。太平御覽卷二十七時序部。卷五百六十禮儀部。太平寰宇記卷十三河南道。卷四十六河東道。並引之。赤氣出如匹絳帛句下。寰宇記有自上屬下四字。續漢郡國志注。引蚩尤冢在壽張縣闕

城中。高五丈三句。史記索隱卷九封禪書。亦引二句。

帝營冢在東郡濮陽頓邱城南臺陰野中。史記集解同上。又水經注。曰頓邱者。城門名。

堯冢在濟陰城陽。史記集解同上。

舜冢在零陵營浦縣。其山九谿皆相似。故曰九疑。史記集解同上。又史記正義卷六秦本紀云。舜冢在零陵郡營浦縣九疑山。

臯陶冢在廬江六縣。史記集解卷二夏本紀。又檀漢郡國志補注云。六安國。臯陶冢在縣。

禹冢在山陰縣會稽山上。會稽山本名苗山。在縣南。去縣七里。史記集解同上。又賈公彥周禮疏卷三十三云。禹冢在山陰會稽山。木苗山。縣南七里。

湯冢在濟陰亳縣北東郭。去縣三里。冢四方各十步。高七尺。上平處平地。漢哀帝建平元年。大司空御史

長卿案行水災。因行湯冢。史記集解卷三殷本紀。又水經注水注。北堂書抄卷九十四禮儀部。太平御覽卷五百六十禮儀部。云。湯冢在濟陰薄縣北郭。冢四方。八十步。高七尺。上平。

伊尹冢在濟陰己氏平利鄉。史記集解同上。又水經注水注。語同。又檀漢郡國志補注云。己氏有平和鄉。鄉有伊尹冢。

文王武王周公冢皆在京兆長安鎬聚東社中。史記集解卷四周本紀。又檀漢郡國志補注云。文王。周公。皆在鎬聚東社中。太平御覽卷五百六十禮儀部云。周文王武王周公冢

皆在京兆長安縣。

周靈王冢在河南城西南柏亭西周山上。蓋以靈王生而有髻而神。故諡靈王。其冢民祀之不絕。史記集解同上。又

水經注水注曰。周山在柏亭西北。又檀漢郡國志補注云。城西南柏亭。西周山上。周靈王冢。其祀之不絕。

景王冢在洛陽太蒼中。秦封呂不韋洛陽十萬戶。故大其冢。並園景王冢。史記集解同上。

子朝冢在南陽西鄂縣。今西鄂鬼氏。自謂子朝後。史記集解同上。又檀漢郡國志補注云。王子朝冢。在南陽西鄂

四·原注·
禮·音猛·

秦繆公冢在橐泉宮祈年觀下。史記集解卷五秦本紀·又水經渭水注·太平御覽禮儀部·同上卷·

秦武王冢在扶風安陵縣西北畢陌中。大冢是也。人以為周文王冢非也。周文王冢在杜中。史記集解同上·又續漢郡國

志補注云·安陵縣西北畢陌·秦武王冢·

亞夫冢在廬江居巢縣郭東。居巢廷中有亞父井。吏民皆祭亞夫於居巢廷上。長吏初視事皆祭然後從

政。後更造祠於郭東。至今祠之。史記集解卷七項羽本紀·又水經泗水注·郭東居巢廷·廷·作亭·祭亞夫於居巢廷·廷·作廟·又續漢郡國志補注·太平御覽卷五百六十禮儀部·

項羽冢在東郡穀城東。去縣十五里。史記集解同上·又續漢郡國志補注云·穀城縣東十五里有項羽冢·又水經濟水注·

漢惠帝陵山高三十二丈。廣袤百二十步。居地六十畝。史記集解卷九·呂后本紀·

高帝呂后山各一所。史記集解·同上·

萇宏冢在洛陽東北山上。史記集解卷二十八封禪書·又續漢郡國志補注曰·雒陽縣東北山萇宏冢·

太伯冢在吳縣北梅里聚。去城十里。史記集解卷三十一吳太伯世家·又太平御覽卷五百六十禮儀部·云·吳太伯冢·在會稽吳縣北·去城十里· 太伯始所居地名

句吳。續漢郡國志補注·多末二句·

延陵季子冢在毘陵暨陽鄉。至今吏民皆祀事。史記集解卷三十一·又續漢郡國志補注云·毘陵暨陽鄉·

呂尙冢在臨菑縣城南。去縣十里。史記集解卷三十·二齊太公世家· 在齊桓公冢南。桓公冢西北有晏嬰冢。續漢郡國志補注·多末三句·

齊桓公冢在臨淄城南十七里所蓄水南。史記集解同上。孟嘗君與齊桓公冢同處。太平御覽卷五百六十禮儀部。多末一句。又城南十七里。作二十

里。蓄水。
作淄水。

齊頃公冢近呂尙冢。史記集解同上。

齊景公冢與桓公冢同處。史記集解同上。

華元冢在陳留小黃縣城北。史記集解卷三十八宋微子世家。

虢公冢在河內溫縣郭東濟水南大冢是也。其城南有虢公臺。史記集解卷三十九晉世家。又水經濟水注曰。虢公臺。基趾尙存。又太平御覽卷五百六十禮儀部

。又續漢郡國志補注曰。溫縣郭東。濟水南。有虢公冢。

楚武王冢在汝南郡銅陽縣葛陂鄉城東北。民謂之楚王岑。漢水平。葛陂城北祝里社下。於土中得銅

鼎而銘曰楚武王。由是知楚武王之冢。民傳言秦項赤膚之時。欲發之。輒積壤填壓。不得發也。史記集解卷

。續漢郡國志補注。又太平御覽卷五百六十禮儀部。節陽郡。汴曰。鮪。音約。

孔子冢去城一里。冢塋百畝。冢南北廣十步。東西十三步。高一丈二尺。冢前以飯甃爲祠。壇方六尺。與地

平。本無祠堂。冢塋中樹以百數。皆異種。魯人世世無能名其樹者。民傳言孔子弟子異國人。各持其方樹

來種之。其樹柞粉雜雌女貞五味甃檀之樹。孔子塋中不生荆棘及刺人艸。史記集解卷四十七孔子世家。又

子墓後有櫻桃樹。又邢昺孟子正義卷五。太平御覽卷五百六十禮儀部。太平寰宇記卷二十一河南道。去城一里。甸下。御覽多魯城北便外南七字。又水經濟水注曰。孔子弟子各以四方奇木來植。故多諸異樹。不生荆棘。今則無復遺條矣。

伯魚冢在孔子冢東。與孔子並。大小相望。史記集解同上。又太平御覽卷五百六十禮儀部。曰伯魚墓。在孔子冢東邊。與孔子並。大小相望。

子思冢在孔子冢南。大小相望。史記集解同上。太平御覽同上。

盜跖冢在河東大陽。臨河曲。直安農華陰山。潼鄉。史記集解卷六十一伯夷列傳。又續漢郡國志補注曰。大陽盜跖冢臨河。

靖郭君冢在魯國薛城中。東南。陳。史記集解卷七十五孟嘗君列傳。太平御覽卷五百六十禮儀部。

孟嘗君冢在魯國薛城中。向北。東。向北。出北邊門。史記集解同上。太平御覽同上。

呂不韋冢在河南洛陽北邙。道西。大冢是也。民傳言呂母冢。不韋妻先葬。故其冢名呂母也。史記集解卷八十五呂不韋列傳。太平御覽同上。

不韋死。獲過於始皇矣。民傳云。不韋好經書。皆以葬。漢明帝朝。公卿大夫諸儒八十餘人。論五

經得失。符節令宋久上言。臣聞昭王與不韋好書。皆以書葬。王至尊。不韋久貴。冢皆以黃腸題。湊處。題高

燥未壞。臣願發昭王不韋冢。視未燒。詩書。御覽多此十八句。又續漢郡國志補注曰。惟陽縣北邙山道西呂不韋冢。

孫叔敖冢在南部江陵故城中。曰土里。民傳孫叔敖曰。葬我廬江陂。後當爲萬戶邑。去故都郢城二十里

所。或曰。孫叔敖激阻水作雲夢大澤之池也。史記集解卷百十九循吏列傳。又續漢郡國志補注曰。孫叔敖冢。在江陵城中四十里。據此則雲夢集解曰。十一里三字。當是四十里三字刊誤。

子產冢在河南新鄭城外。大冢是也。史記集解同上。太平御覽卷五百六十禮儀部。

偃師西北有臯陶祠。又有湯亭。有湯祠。續漢郡國志補注。

吳太子南出葬在閩鄉南秦。又改曰寧秦。續漢志補注同上。

衛思后葬長安城東南桐松園。今千人聚是。續漢志補注同上。

有蒼頡冢在利陽亭南。墳高六丈。續漢志補注同上。學書者皆往上姓名投刺。祀之不絕。藝文類聚卷四十禮部多末三句。

漆有師曠冢。名師曠山。續漢志補注同上。又太平御覽卷五百六十禮儀部曰。師曠冢在右扶風。名曰師曠山。人民不敢上其山。

奄里伯公冢在城內祥舍中。民傳言魯五德奄里伯公葬其宅。續漢志補注同上。

堯封唐堯山在北。唐水西入。河南有望都山。卽堯母慶都所居。相去五十里。都山一名豆山。續漢志補注同上。

伯樂冢在定陶縣東南一里所。高四五丈。續漢志補注同上。又太平御覽卷五百六十禮儀部。

葉縣西北去城三里。葉公諸梁冢。近縣祠之曰葉君邱。續漢志補注同上。又太平御覽同上。禮儀部曰。葉公諸梁子高冢。在南郡葉縣西北去城三里。近縣民皆祠之。

太甲有冢在歷山上。續漢志補注同上。

楚大夫子思冢在當塗縣東山鄉西去縣四十里。子思造芍陂。續漢志補注同上。

吳本國縣東門外孫武冢。又要離冢。縣西南。續漢志補注同上。

晏子冢在臨淄城南。菑水南。桓公冢西北。史記正義卷六十。二管晏列傳。

趙簡子墓在臨水縣界。冢上氣成樓閣之狀。北堂書鈔卷九十四禮儀部。

好道者言黃帝乘龍升雲。登朝霞。上至列闕。倒影經過天宮。藝文類聚卷一天部。天體如車。有日月懸著。何有可上

哉。太平御覽卷二天部多末三句。

秦始皇冢在驪山之古驪戎國。今之世顯豐。晉獻公伐驪戎，獲二女，其山陰多黃金，其陽多美玉，謂藍田是也。故貪而葬焉，并天下亡徒十餘萬人，穿八池，洞三泉，而致椁，宮觀奇器，珍怪諸物，藏之，令一匠人作機弩，人有近穴，輒射之，以水銀爲百川，江河大海，金銀爲鳧鶴，機關轉相幹旋，終而復始，上具天文，以人魚膏爲燈，度久不滅。後宮無子者皆狗，從死者甚衆，恐匠知之，殺工匠於藏中，因閉羨門，覆土，樹艸木，以像山，墳高五十餘丈，周迴五里餘。後項籍燒其宮觀，關東賊發之，後牧羊兒亡羊，羊入藏中，持火覓羊，燔其椁，後賊遂取其金銀奇器。太平御覽卷五百六十禮儀部，又卷八百十二珍寶部，曰：關東賊發始皇墓，中有水銀，又史記集解卷六秦始皇紀，引始皇墳高五十餘丈，周迴五里餘，二句。

太上皇葬萬年，高帝父也。高帝葬長陵，孝惠帝霸陵，諸陵皆用瓦器，不爲墳，王莽之亂，天下無道，獨無災害。景帝葬陽陵，孝武皇帝葬茂陵，孝昭皇帝葬平陵，孝宣皇帝葬杜陵，孝元皇帝葬渭陵，元帝下詔曰：無置徙民，令天下無騷動之憂，自是園陵不置邑。孝成帝葬延陵，孝哀帝葬義陵，孝平帝葬原陵，孝文皇帝弟淮南王長坐謀反誅，後置園陵，長好道，事八公，世之愚者云：長仙，醫巫訖云：淮南好道，百官皆得仙，狗吠雲中，雞鳴天上。東平思王家在東平，松皆西靡。太平御覽同上，又漢書東平思王傳注，引皇覽云：東平思王家也。按此事，文選劉孝標重答劉琨書注，引聖賢家墓記，其語最詳，茲文類聚卷八十八大都，亦開聖賢家墓記，據隋志地理類，別有李彤聖賢家墓記一卷。

奚仲冢在魯國縣。當云薛縣。東去縣二十五里山上，因名奚仲山，山下名奚仲亭。太平御覽同上。

夏育冢在濟南歷山上。太平御覽同上。

魯大夫叔梁紇冢。在魯國東陽聚。安泉東北八十四步。名曰防冢。民傳言防墳。於地微高。太平御覽同上。

蘭陽城西有山。名豹陵。太平實字記卷二河南道。

河南城內有周山。一名小亭山。太平實字記卷三河南道。

荊城。是戰國時魏將龐涓與孫臏相持處。太平實字記卷同上。

全節章邱。兩縣界。有神迹。是姜嫄所履處。太平實字記卷十九河南道。

黃帝葬橋山。太平實字記卷三十四關西道。

河內溫城南有號公臺。相傳云晉宣帝改邑。集溫父老登此臺宴飲。父老奉觴慶賀。因謂之賀酒臺。太平實字

記卷五十二河北道。

叢臺在邯鄲小城內。太平實字記卷五十六河北道。

已上六十六事。史記正義。太平御覽。實字記。皆題皇覽冢墓記。史記正義。惟引舜冢一事。四名冢墓記。太平御覽。於首引黃帝升仙。及蚩尤冢。顯頑

冢。三事。俱題冢墓記。實字記引龐涓相持處。姜嫄所履處。孔子冢。黃帝橋山。蚩尤冢。俱題冢墓記名。知此與逸禮並皇覽分篇。裴駟劉昭鄆道元等注

書。雖未標題冢墓記名。然其所引確為一篇中語。故依類編之。

漢冢之葬。方中百步。已穿鑿為方城。其中開四門。四通足放六馬。然後錯渾雜物。扞漆繪綺金寶米穀。及

埋車馬虎豹禽獸。發近郡卒徒。置將軍尉候。以後宮貴幸者。皆守園陵。元帝葬。乃不用車馬禽獸等物。漢續

禮儀志
補注。


按此疑亦當在冢墓記篇。以劉昭徵引。祇題皇覽。未標篇名。故別編於篇末。


計然者。濮上人也。博學無所不通。尤善計算。嘗南遊越。范蠡卑身事之。其書則有萬物錄。著五方所出。皆

直述之事。漢書貨殖傳注。

記陰謀。黃帝金人器銘曰。武王問尙父曰。五帝之誠。可得聞乎。尙父曰。黃帝之誠曰。吾之居民上也。搖搖。恐夕不至朝。故爲金人三封其口。曰。古之慎言。堯之居民上也。振振。如臨深淵。舜之居民上也。慄慄。恐夕不旦。武王曰。吾並殷民。居其上也。翼翼。懼不敢息。尙父曰。德盛者守之以謙。守之以恭。武王曰。欲如尙父言。吾因是爲誠。隨之身。太平御覽卷五百九十九文部。

已上二事。不題篇名。陰謀記或是分篇。而他無考見。故附後存考。



A decorative border with a central illustration of a horse and rider. The horse is depicted in a dynamic, galloping pose, facing left. The rider is seated on the horse, and the entire scene is set against a background of stylized, swirling patterns. The border itself is composed of a repeating, intricate scrollwork design that frames the central text.

麗 紀 華 歲

撰 鄂 韓

本館叢書集成初編所選祕冊彙
函唐宋叢書律逮祕書及學律討
原皆收有此書四書多寡同唐宋
既殘損太甚律逮學律皆缺總目
祕冊有總目且時代最早故據以
影印

歲華紀麗序

夫以氤氲未判混然標有物之名清濁肇分炳
爾載流形之域自此二儀並建五德相生星躔
潛運於璿璣日舍不停於黃道春萌夏育八節
爰授於人時秋肅冬終四氣克成於歲序泊乎
時新舜曆莫換堯階均陰陽於十二管中分晝
夜於一百刻內光陰電逝難量開闢之功霜露
回環莫測幾終之極良由機張造化織出年華
英雄假之以建功建名賢達競之而立言立德

遂至天文再郁人道中興編修不泯於鉛毫述
作荐輝於霜簡深惟後覺難以周知伏覩昌黎
韓公著歲華紀麗者擷奧典之雅言具聯文而
廣記所以發詞林之蔚蔚湊學海以汪洋起自
元正訖于除歲總成數卷列乃多門非惟鼓吹
於詩風抑亦條網乎事類是使古先之言行聚
集於見聞成章頗異於編年舉旨無逾乎繫日
茲所謂據時歲華煥之事紀聖賢美麗之言云
耳謹序

自駢麗之體盛文士往往採集語對以資窘腹
如珠叢採壁諸書即休文子慎亦復不廢編纂
至唐而俳偶益工初學等書便專取事對今觀
歲時一部便有專帙當時崇尚可知已孝轅語
予編此書者以作記事珠可耳若欲借之爲四
六津梁則去之愈遠信哉繡水沈士龍識

吾鹽藏書推鄭簡公家最多其孫蓋伯名忠材
博雅能讀祖書余借觀其書錄有歲華紀麗目
所未覩其本從宋刻抄得爛去末卷二紙又差

訛特甚蓋伯命余即從原本校正凡改易增減
千三百字汝納及友人姚孟承又改五百許字
然後可讀時俞羨長刻唐類函併寫一通貽之
令入歲時部也海鹽胡震亨識

歲華紀麗總目

第一卷

春

正月

元日

人日

上元

晦日

二月

中和

二月八日

社

三月

上巳

寒食

第二卷

夏

四月

四月八日

五月

端午

麩

旱

雲

瑞雲

風

風災

占風

雨

六月

伏日

第三卷

秋

七月

七夕

中元

露

瑞露

霜

霜災

月

瑞月

災蝕

八月

九月

重陽

第四卷

冬

十月

寒

十一月

冬至

雪

冰

藏冰

十二月

日

臘

儺

歲除

歲華紀麗卷第一

唐韓鄂撰 明沈士龍胡震亨同校

春

春爲青陽

爾雅云春爲青陽謂萬物生也

雲成白鶴

易說曰春有白鶴之

雲也

太簇司律

正月律管也

蒼靈奉塗

文選云句芒神奉塗引道樂

正習舞

禮將舍奠于先師也

女夷鼓歌

淮南子曰二月之夕女夷鼓歌以司

天和女夷者神名也

風回解凍

月令

歲適載華

顏延之詩云昔辭秋未素

今已歲載華乃春也

雷方出地

見易

魚已上冰

月令

時屬酸羶

日惟甲乙

並出月令

帝稱太皞

以木德王天下

神曰句芒

少皞

氏之子爲木官也

遲遲

春日遲遲

復復

選云播芳蕤之復復

性仁事貌

其性仁其事貌

味酸臭羶

其味酸其臭羶

有司布農事之日天

子耕藉田之辰

並見月令

食牟

食麥與牟

獻雀

見元日注

章臺

之使以來

玉臺詩云驛使前日發章臺傳道長安信早來棠梨宮中燕初至葡萄館

裏花正開

曲江之會端至

撰詩云唐時春放榜進士既捷列名於慈恩寺謂之

題名大宴于曲江亭子謂之曲江會

器疏以達牲無用牝

月令 蟲旣

昭蘇物方駘蕩

駘徒改切選云春物方駘蕩民情以鬱陶春光貌

禁伐

木

爲其長養

獻種陸

周禮云上春王后率六宮之夫人獻種陸之種于王

風人

雨物

管子曰吾不能以春風風人夏雨雨人吾道窮矣

寅賓

日出

平秩

東作

蟲鱗音角祀戶祭脾今月條風春風為條風穀雨

三月中氣也亦曰榆莢雨觀惠風於媚景梁元帝纂要曰春為青春芳春陽春

三春九春天曰蒼天風曰陽風惠風暄風柔風景曰媚景和景韶景對韶節以芳

時時曰嘉時芳時辰曰良辰嘉辰弱草茂林芳節曰佳節華節韶節淑節弱草茂林草曰芳辰節曰佳節華節韶節淑節

弱草芳草木曰文木華樹陽林茂林芳林華林水曰綠水陽禽好鳥鳥曰陽

陽禽候鳥時禽好鳥好禽司分少皞氏以燕鳩為司分氏道者以其春分來秋分去也

同傳曰日分道同也注驚至鳥至後五日來鳥至後五日

鴻雁來日夜分分平也草木動萌動也柳三眠而盤地

漢武帝苑中瑞柳一日三起三眠也花五出以照人韓詩外傳云草木之花五

出也 **三陽革故** 正月三陽生也 **千里共尋** 隋盧思道詩云聊把一尊酒共

尋千里春 **斗轉東而天下皆春** **鴈向北而嶺邊先煖**

鴈冠子曰斗柄東指天下皆春雁向北即候鴈北也此爲三陽日 **已改趙衰之**

愛日爰吹鄒衍之和風 傳曰趙衰冬日之日也夏日可畏冬日可愛燕

地有寒谷不毛鄒衍將律吹之以召和氣而禾黍生焉 **詩人之黃鸞出谷**

詩曰出自幽谷遷于喬木 **太守之白鹿行春** 後漢鄭弘爲臨淮太守行春有

兩白鹿隨車夾轂而行 **陸凱寄一枝之春色** 陸凱與范曄相善自江南

寄梅一枝詣長安與曄贈詩云折花逢驛使寄與隴頭人江南無所得聊贈一枝春 **伶倫**

截六管以和音 呂氏春秋云黃帝使伶倫截嶰谷之竹斷二節間長三尺八分

吹之以爲十二篇以應鳳鳴其雄有六爲律其雌有六爲呂也

換冀莢而方知

歲始寄梅花而以覺春來

帝王世紀曰堯時瑞草號冀莢生于階前

每朔日生一葉月半至十五葉自十六日已後日落一葉至月終而盡落月小盡則餘一葉卷

而不**銅盤取露以服風**

服虔曰天子孟春之月以銅盤取露水服之云

服入方之風以其被八音風吹也

桃花和雪以磧面

虞世南著史略云北

齊盧士深妻崔林義之女有才學春日以桃花和雪與兒磧面云取紅花取白雪與兒洗面作

光悅取白雪取紅花與兒洗面作妍華取雪白取花紅與兒洗面作華容

花非一種

簡文帝詩云綺花非二種風絲亂百條

日上三竿

右詩云日上三竿風露消

移陰管自符河內之灰

楊泉記云弘農宜陽金門山小竹爲管河內葭

草爲灰以候陽氣故陽管
爲律陰管爲呂以象鳳鳴
春動陽鍾又應金門

之竹

異物論云聽五聲清濁之和然後制爲鍾律律中有黃鍾律陽鍾以乾之初九金門

之竹見上注

鷹化鳩而及候

周禮云羅氏仲春獻鳩以養國老鄭玄注取變

舊爲新宜以養老而助生氣也

麥覆雉以當時

庾信感春賦云宜春苑中春始

婦披香殿裏作春衣苔始綠而藏魚麥纒青而覆雉

氣變東郊寒收北陸

風擺而柔條未綠時熙而嫩草抽黃

月令云迎春于東郊

北陸主冬寒也文選詩云弱草半抽黃輕條未全綠

庭蘭已香澗蒲猶小

風煖而鶯南鴈北日蘇而柳暗花明

文選詩云葉濃和柳

密花盡覺梅疏蘭生未可折蒲小不堪書淮南子云文夷鼓歌以司天和以長百穀禽獸草木

燕南雁北春女悲
秋士哀知物化矣
木鐸規時見下
土牛誠候月令云土

牛示農耕也
道人振鐸書注云所以振文教也
楚雀綠條陽休

之春日詩云蝴蝶映
花飛楚雀綠條響
璿衡運周歲星更始傳云歲在

星紀而淫玄枵注云謂天有十
二辰歲星一年一周行運也
郊麗迎春之日

時聞震蟄之雷
鳥聲千種庚子山賦云新年鳥聲千種囀二月

楊花滿路飛
楊枝一尋張謂感春詩云梧桐三寸葉楊柳一尋枝
卦審吉

凶周禮龜人以上春農龜策占兆審卦之吉凶
火新榆柳周禮燧人掌火春取

榆柳之火
候玄鳥而祠高禘月令
歌青陽而祭天地後漢

書立春日于東郊祭青帝歌青陽
舞雲翹辭曰青陽載動根茲已遂

正月

改秦諱

秦始皇以正月生因各政後諱之改正字從平聲

行夏時

夏正建寅

爲正

春秋始事

春秋之法書元年春正月者所以敬始事者也

象魏懸

灋

周禮云正月之吉始和布令于邦國都鄙使萬民觀之

斗建寅位時祠

岳鎮

月令云正月之節斗建寅之初又云命祠岳鎮海瀆

星始運於銅渾

氣微生於玉琯

銅渾以應天之星數目正月則銅渾更始以測一年之星度又

正月爲三微之月陽氣初生爲微以王爲琯

律中太簇氣至東郊

謂立

春之日迎春氣也

司曆候而命乎太史

立春後五日命太史司天曆候

書慎滿是爨龜策占兆審卦吉凶也又祭風師

行慶惠而及彼兆人

月令

以應春氣 鴈序南迴斗衡東指貯神水以効祥四時要云

立春日貯水謂之神水釀酒不壞 養鯉魚而致富陶朱公養魚法取鯉魚二

十尾以立春後上庚日放之則生子不相食 釁龜見上祭獺禮記云

日東風解凍後五日蟄虫始振後五日魚上冰雨水之日獺祭魚後五日鴻鴈來後五日草木

萌動 雲晴方喜於鴈來沙煖更觀於獺祭並見上注修

其封疆而端徑術月令云布農事舍東郊修封疆端術善相丘陵限險原隰

云修祭典耕籍田是月也天子親耕藉田命樂正習舞修祭典命祀岳鎮海

瀆犧牲 孟陽梁元帝慕要云正月爲孟陽亦無用牝曰孟春上春初春開春發春 獻

歲亦曰獻歲初歲開歲肇歲 日月乍逼於虛危芳歲華歲首歲獻進也

昏曉正當於心昴

正月

日在虛昏昴中曉

時昴星正當午位

曉時心星正當午位故云昏昴中曉心中日入後二刻半爲昏日未出前二刻半爲曉

漢帝

賜羹之候

金谷園記云武帝常以正月殺臬爲羹以賜羣臣食之云使天下之人知

殺絕其惡類者也

幽人于耜之時

詩云三之日于耜正月也幽土多寒至是

日方就耕

上春建寅

見上

六律調元太簇克宣於和

煦四時成歲青陽潛運於發生

見上

木鐸振文彤

庭習舞玉管調音於律呂金鳥點翼於虛危

木鐸

振文教也月令云天子乃以元日祈穀于上帝命樂正習舞玉管吹律之管也金鳥日也躔在虛危凡中氣前後去節十五

德惟在木月以建

寅見上雲物乍成於白鶴氣候方表於青陽

風

惟滌滌

夏小正云正月啓蟄雉晨
雊時有浚風滌滌變煖也

木漸欣欣

選云

木欣欣
以向榮

元日

八節之端

履端於始歲旦更始四序端為資始
亦云四始又云端日謂履端者也

三元之始

聖人考曆數以正三元此聖人知
命之術歲之元日之元時之元也開

甲子於新曆

沈佺期詩云洛陽新
甲子何日是清明

發風光於上

春七十二候之初三百六旬之首

皆元日也

磔雞

斬羊

宋書歲朔縣官斬羊置其頭于門又磔雞
以祠之俗說以厭厲氣裴玄以問河南伏

君伏君曰是上氣上升草木萌動羊齧百草雞啄五穀故磔雞斬羊以助生氣**放鳩獻**

雀

列子曰邯鄲民以正朝旦獻鳩于簡于大悅厚賞而放之曰正旦放生示有恩也客

曰得賞競捕之不如不賞之愈也又地理志榮陽有厄公井沛公避項羽雙鳩集井上故漢時

正旦放鳩獻

稱崔寔之觴

崔寔月令云元日進酒降神畢室家尊卑

次列于几之前各上椒酒于家長稱觴舉壽欣欣如也

奪戴馮之席

東觀漢記

戴馮爲侍中正旦朝賀百僚畢會帝命羣臣能說經史更相難詰義有不通輒奪其席以益通

者馮乃重坐

爆竹鑽榆

事已見上

造勝華

董勛問禮曰正月一

日造勝華以相遺象瑞圖金勝之形又云象西王母正月七日戴勝見武帝于承華殿

藏

糞帚

搜神記云昔有商人歐明乘舩過青草湖忽遇風晦暝而逢青草湖君邀歸止家堂

宇甚麗謂歐明曰惟君所須富貴金玉等物吾當與卿明未知所答傍有一人私語明曰君但求如願不必餘物明依其人語湖君默然須臾便許及出乃呼如願是一少婢也湖君語明曰君領取至家如要物但就如願所須皆得明至家數年遂大富後至歲旦如願起晏明鞭之如願以頭鑽糞帚中漸沒失所在明家漸貧故首今人歲旦糞帚不出戶者恐如願在其中也

祚元正

王義之月儀書云日往月來元正首祚大簇告辰微陽始布罄無不宜和神養

素進屠蘇

俗說屠蘇乃草菴之名昔有人居草菴之中每歲除夜遺閭里一藥貼令

囊浸井中至元日取水置於酒樽合家飲之病溫疫今人得其方而不知其人姓名但曰屠蘇而

燒骨髓

歲除夜燒骨髓為煎庭助陽氣

吞雞

旦當生吞雞

子一枚謂之練形

飲墨

北齊正旦會侍中黃門郎宣詔勞諸郡上計勞訖命遺紙陳事

宜字有脫誤者呼起席書迹濫劣者令飲墨貼水一升文理孟浪者奪容刀及席事多不錄

畫雞於朱戶

歲時紀云元日貼畫雞於戶上插符於其中而百鬼畏之

獻彩

雀於彤庭

孔叢子曰邯鄲人以正旦獻雀於趙王綴以五采王大悅

餽列辛

盤觴稱椒酒桃板署門而納慶葦繩羅戶以祛

災

辛盤見下注椒酒見上注山海經云東海度朔山有大桃樹下有二神一曰神荼一曰鬱

壘能啖百鬼故今元日設桃符於門以象之歲時記曰設筆索於門上以畏百鬼

獻羔

令節祈穀嘉辰

月令天子獻羔開冰先薦寢廟又元日祈穀於上帝

噀杯

銷蜀郡之火災飄雪觀荊州之木屑

神仙傳曰樂巴蜀人

爲尚書正旦大會得酒不飲向西南噀之有司奏巴不恭謝曰臣里失火以此酒爲雨救之後

蜀郡奏元日成都大火其日東北有大雨至救

火雨中有酒氣晉陶侃字士行爲荆州牧勅造

船官收餘木屑後元日會值大雨雪竹爆廣庭

庭泥於是悉著屑灑覆之朝賀無妨

荆楚歲時記曰山魃鬼犯松標高戶董勛問禮

人則病惡爆竹之聲也

酌椒酒而飲之者何也以椒性芬香律煖而池

又堪作藥又折松枝于戶以同此義

冰消玉風和而園柳綻金盤號五辛風土記云元日

食五辛以練形以助五藏觴稱萬壽崔寔元日稱觴獻壽納慶著椒花

之頌祛災獻柏葉之銘晉書劉臻妻獻椒花頌曰旋風周回三朝啓建

青陽散輝澄景載煥美哉虛葩爰採爰獻聖容

映之永壽於萬庾信正朝賚酒詩正朝辟惡酒

新年長命杯柏葉隨銘至椒花逐頌來流星向

旋落浮蠟對春開成都方救火蜀使幾時來

應乾納祐與日同休文選位正元陽氣和端月

朱戶駢羅於仙木

歲時記元日造桃板于戶謂之仙木象鬱壘之山桃百鬼

所畏綠醽湫澁於壽杯

晉咸康四年十二月丙子正旦會百寮增賜醽醁酒

人二升壽杯見上

璿璣改度日月重新

王悅賀正表曰三辰改運元正

啓祚又元肅賀儀曰元正首祚璿璣改度伏惟萬壽云云

導和而應鳳應凰

履端而獻鳩獻雀

月令疏云正月律中太簇黃帝使伶倫自大夏之西崑崙

之東取嶰谷之竹制爲十二管以聽鳳凰之鳴其應鳳者爲律應凰者爲呂鳩雀事已見於上

蜀郡火災

見上

西京水戲

漢明帝使博士馬均引東水轉百戲又正月朝

造巨獸魚龍曼延如漢西京故事

三微始布六律初調

白虎通謂正月

爲三微言陽氣未著爲微稱萬壽於彤庭資百福於皇室謂

也會受四海之圖籍膺萬國之貢珍內撫諸夏外

接百蠻文選以天子當元會也華元放囚江淹賞士北齊書張

華元字滿國爲兖州刺史獄有繫囚謂曰三元

之始念卿幽閉今給假五日足得展謁親友至

期當還也果應期而至梁典謝舉初爲太學博士與兄覽預元會江淹一見並皆欽挹曰此可

謂御二龍於長途耳戲造魚龍事已見上術呼牛馬五行書云

至門前呼牛馬六畜並爲酺食士玉燭寶典云今進酒降神湔裳度厄元日至晦日

人日

一二稱雞狗六七爲馬人

董勛問禮俗曰正月一日爲雞二日爲狗

三日爲羊四日爲猪五日爲牛六日爲馬七日爲人以陰晴爲豐耗正旦畫雞於門七日餽人

於金

菜羹花勝

歲時記云人日以七種菜爲羹剪綵爲花勝以相遺也

漢

帝之會承華殿

西王母頭戴華勝以正月七日會帝於承華殿

宋王之

登望仙樓

見下

竹葉酒

名酒

梅花粧

武帝女壽陽公主人日臥

于含章簷下梅花落公主額上成五出之花拂之不去皇后留之自後有梅花粧是也

銘

山

魏東平王登壽張安仁山銘曰正月七日飲厥日惟人策我良駟陟彼安仁出述征記

飲

爵

壽陽記云正月七日宋王登望仙樓會羣臣父老集於城下令皆飲一爵文武十人拜賀

上稽董勛之問俗時則罔愆

六七爲馬人已見上注

考陳

氏之見儀事乃不忒

劉臻妻陳氏進見儀曰正月七日上人勝于人是也

鏤人

董勛問禮俗云人日鏤金薄爲人以貼屏風戴於頭髮起自晉代賈克妻李氏夫人

云俗人人新年形容改舊從新也

熏天

述征記云人日作煎餅於中庭謂之熏天

狗耳翦人形

荆楚歲時記云人日夜多鬼鳥過人家槌床打戶換狗耳滅燈燭以

禳之翦形見上趙伯符七日之歡

壽陽記曰趙伯符爲豫州刺史立義樓每

至元日人日七月日月半乃於樓上作樂樓下男女盛飾遊看作樂

薛道衡二年

之歎

薛道衡人日詩曰立春纔七日離家已二年人歸落鴈後思發在

飲竹

葉之一觴粧梅花之滿面

並見上注

上元

祭戶遺風

荆楚歲時記云今州里風俗望日祭門戶先以柳條挿於左右門上乃以

酒脯飲食豆粥餈糜祭之

觀燈故事

涅槃經云如來闍維訖収舍利罌置金床上天

人散花奏樂繞城步

火樹

唐蘇味道看燈詩云火樹銀花合星橋鐵

去鎖開暗塵隨馬

燈樓

唐玄宗於上陽宮建燈樓高一百五十尺懸以珠玉

微風將至

帝女巢成而得仙

廣陽記云南方赤帝女入山學道仙

鵲以正月一日嚙柴作巢至十五日巢成後得道昇天

僧徒雲集而觀雨

西域記云摩竭陀國正月十五日僧徒俗衆雲集觀佛舍利放光雨花

漢帝之建

白馬

漢武帝時摩騰竺法蘭以白馬馳經至帝是日設大祭其夜以香火焚釋道二教道

經煨燼佛教宛然

玄宗之遊涼州

葉法師時與玄宗遊涼州

以鐵如神燈佛火崔液正月望夜遊詩神燈佛
火百輪張刻像圖形七寶裝

試鼓傾城彌衡被魏武謫為鼓吏正月半試鼓
彌衡揚枹為漁陽搥過淵淵有金石

聲四坐為之改容又古詩云九陌連燈影
千門共月華傾城出賣騎匝路轉香車燈火

千門見蚕桑百倍續齋諧記云吳縣張成夜見
一女立宅東南角謂成曰此

地是君蚕室我即地神明日正月半宜作白粥
泛膏於上以祭我必當令君蚕桑百倍俄失所

在如其言年年大得蚕今人無心玉臺詩曰去
作饊粥謂之祜女財是也年正月半本

自無送酒古詩云漢帝窺桃核齊侯問棗
花上元應送酒來在蔡經家卜於

紫姑異苑曰其夕迎紫姑神以卜之本人家妾
為大婦所妬其日感激而死故世人至是

日作其形迎於廁云子胥不在曹姑祀其太乙
已行小姑可出于胥壻也曹姑姑也

史記樂書曰漢家祀大乙以昏時祀到明

南油西漆

梁簡文帝看燈賦云何解東之

嘉月值蕤莢之盡開草含春而色動雲飛綵以皆來又云南油俱滿西漆爭然

漁陽操

曲名見上

龍川蠟賦又云蘇徵安息蠟出龍川斜暉交映倒影澄鮮蘇香名也

晦日

孟春晦日

晦者灰也言盡無光是如灰色者月之盡也

酺聚

大飲之名行

樂

荆楚歲時記云元日至晦並行樂飲酒

送窮

金谷園記云昔顓頊帝時宮中生一

子性好著浣衣人作新衣與之即裂破以火燒穿著宮人共號窮于其後以正月晦日死人葬

之曰今日送窮子也因此相承號送窮也

酹酒

玉燭寶典曰元日至

士女悉蒔裳酹酒於水濱又臨河渡厄

階奠彫

竟月桂盡

謂月犯

天陣不違晦以犯天提月公羊傳提月六鵬退

晦日也何休注提月邊也魯人語也在提月之幾盡胸朐有警春秋不書

選云胸朐警閏朔而月見東方為胸朐而月見西方為朐春秋之例不書月晦之

初年荆楚歲時記云每月皆有弦望以時俗以

為節上見當醮聚之時值莫枯之日上見大醮小盡

月有小盡有大盡三十日為大盡二十九日為小盡

二月

日在營室律中夾鍾律也柳舒西掖漢武西掖瑞柳又晉

書云二月中三月雷鳴東隅陶潛詩云仲春通時雨始雷鳴東隅

驚蟄之日桃始華

二月節也後五日倉庚鳴後五日鷹化為鳩

春分

之日鷺乃至

二月節氣也後五日雷發蟄後五日始電

東郊祭日

祀

日于

東郊獻羔開冰

先薦寢廟也

楊花風

見

榆莢雨

庚信

湯池碑云仲春則榆莢同流三月則桃花共下

無焚山修闔扇

皆順陽助氣也

巢人乞子以得富

昔巢氏時二月二乞得人子歸養之家便大富後以此日

出野曰採蓬茲向門前以祭之云迎富

幽人擊鼓以迎春

周禮仲春晝擊

土鼓以迎春也

同度量

平權衡謂晝夜平則正之云

養幼少

月令養幼少存

諸無作事以妨農

注典兵役之事時將耕慮妨農功

順陽氣以

養物

無竭川澤無澆陂池無焚山林順陽氣以養物也又云去桎梏正獄訟

獻鳩

周禮羅氏仲春獻鳩以養國老鄭玄注云
春鷹化爲鳩變舊爲新宜以養老助生養
謂鷲也

至也 暖日融天和風扇物杏壓園林之香氣柳

籠門巷之晴煙

上丁

二月上丁舍奠於國學

後戊

春分前後

戊日爲社日月令命民社云云

蘭芽吐玉柳眼挑金

仲陽

梁元

帝纂要云二月仲春仲陽中春

淑景

亦曰媚景

剛日祭馬

祭馬祖用剛日

中和節

時維太平日乃初吉

作爲令節以殷仲春

發揮陽和幽贊生植

仲序

謂仲春也

中和

其節

助發

生之德覃生育之恩

助陰陽之交泰表天地

之和同 當太平之昭代屬初吉之良辰 授

時建命備物陳儀文選二月初吉詩云朔日良時朔乃

爲三長日乃爲良時

二月八日

釋氏下生之日迦文成道之時歲時記云二月八日釋氏下生

之日迦文成道之時信捨之家建入關齋戒車輪寶蓋七變入會之燈故云今二月八日平旦

執香花遶城一匝謂遶城遊一匝之行本行經云二月

八日夜半太子被馬當出天使神在家守八關

牽馬足出至走王內則行城中矣之戒阿那經云二月八日當行入關之戒佛飛經云在家菩薩此日當行入關之齋戒

鳳盤龍

壽陽記梁陳典曰二月入日行城樂歌曰皎鏡壽陽官四面起香風樓形若飛

鳳城勢似盤龍

社日

祀勾龍

共工氏之子曰勾龍能平水土故祀以爲社

擇元日

月令擇元日命

民社爲祀社稷也春事與故祭之以祈農祥元日謂近春分前後戊日元吉也

白社

之青春

報本反始親地尊天

禮記共工氏之子爲后土能平

水土故祀以爲社故夫子曰大社必受霜露風雨以達天地之氣也社所以親地者也地載萬

物天垂萬象取法於天所以尊天親地也社供粢盛所以報本反始也

受脰

傳曰戎有

受脰肉謂受氣于社也

升壇

李叔達祠社云升壇預結祀詰早肅分司椒蘭平酒酌簠

簋撤

立社

王爲羣姓立社目大社王自立社曰

社曰侯社大夫以

置社

見夏松殷柏

論語秋報春

祈

春祭所以祈五穀之生秋祭所以報五穀之熟

陳平分肉

陳平貧時爲里中社

宰分肉甚均父老善之平曰使平得宰天下亦如此肉矣

阮脩伐樹

晉阮修字子宣

伐社樹或止之修曰若社而爲樹伐樹則社移樹而爲社伐樹則社亡矣

封土報功

孝經緯曰社土地之主也土地潤不可盡祭故封土爲社以報功

設齋祭社

佛云世尊見殺牛羊以爲社戒之曰地獄滿塞正坐殺害汝等何以爲社秦齋守戒則獲福無量

矣 **擇日命民**

見瞻榆望杏

隋牛弘春祈稷歌云瞻榆東臯望杏開田

用憑戩穀 **罷社**

魏志王修字叔治七歲母以社日亡來歲社日修哭甚哀鄰里

爲之
罷社
其胙鄭氏云百家共一社今百家所社宗即共立社之義也

荆楚歲時記云社日四鄰並結宗會
社姓醪爲屋於樹下先祭神然後饗

三月

日在婁星

中氣日在胃也

律中姑洗

三月律也

暄景

暮春

梁元帝纂要曰三月曰暮春亦曰季春晚春殘春餘春未春

布德行惠

月令布德

行惠發倉廩賜貧窮賑之絕

聘士禮賢

聘名士禮賢者

修利隄防導

達溝瀆

月令

薦鞠衣修蠶器

月令修蠶器天子薦鞠衣于先帝鞠衣黃

桑之服薦于太廟

合累牛

騰馬遊牝於牧

書駒犢

牽書其數

清明之

日桐始華

三月節也後五日田鼠化爲鴛鴦後五日虹始見

穀雨之日萍

始生

中氣也後五日鳴鳩拂其羽後五日戴勝降于桑

禁捕

置罽翳餒之藥無出

國門鳥獸字乳不可傷之無逆天時

勸蠶

無伐桑柘注愛蠶食也享先蠶而躬蠶以勸蠶

事月令云

門柳變金庭蘭孕玉氣惟煦景節及殘春

畢春九門

大合樂命國儺九門磔襍以畢春氣洪範傳曰大樂屬鼗故磔之於

九門抑金扶木畢成春功東方三門不磔春位不穀又且盛德所在無不襍也

審量五

庫

月令云審五庫之量金鐵皮革無或不良

嶺外寒食

沈佺期詩云嶺外逢寒食

春來不見錫洛陽新甲子何日是清明

江南草長

丘遲與陳伯之書云暮春三月

江南草長新花生樹群鶯亂飛

北閣之春

簡文帝晚春詩云待餘春於北閣藉高晏

於南

東山之士

劉孝綽三月三詩云東山富遊士北土無遺彥一言白壁輕片

善黃

乘舟薦鮪

天子始乘舟
薦鮪於寢廟

出勾達萌

月令生
氣方盛

陽氣發泄勾者
畢出萌者盡達

柳暗花明燕來鶯老

上巳

莫春之節上巳之辰

古用上巳
今用三日

空陰不雨

陰陽
書云

三月三日欲陰
不雨則蚕善

時和氣清

蘭亭之會
時和氣清

八公既登

宋武帝三月三日登八公山
劉安

四人並出

荆楚

歲時記三月三日四人並出
臨清渚爲流杯曲水之飲也

帛遶叢林杯流曲

水上三月桃花水上巳竹葉杯

桃花水見下注
上巳漢禮儀志

曰三月上巳日宮人並襖飲於東流水上
宋書曰自魏已後但用三日不用上巳

元巳

之辰

文選莫春之辰月上巳之辰

脩禊之事

王羲之序曰永和九年歲在癸丑莫

春之初會于會稽山陰之蘭亭修禊事也

祓禊臨水

風俗通曰周禮女巫掌歲時以

祓除疾病祓者潔也

溱洧執蘭

韓詩曰三月桃

之俗上巳日於溱洧之上執蘭招魂祓除不祥

東皙善對而賜金

見下

張華能談而稽古

竹林七賢論王濟常解禊洛水明日或問昨日遊有何語

議王曰張華善說史漢裴逸民叙前言徃行歷歷可聽

垂乳桐

庾信三月三日華林

馬射賦云草啣長帶相垂

浮絳棗

庾肩吾曲水宴詩云桃花

生玉澗柳葉暗金溝踊躍頰魚醉參羗絳棗浮

金溝

見上蕙敵詩云烟光

蕙敵氣 袂南澗

孫綽序以莫春之始

會東堂

起

居注泰和六年三月三日
臨流盃酒依東堂小會也
南浮橋晉夏統字伸

市藥會三月三日洛中王公以下莫不方駕連
軫並于南浮橋修襖仲御在船中曝所市藥雖

見此輩危見下齊
東流水見下齊
殿臨春梁沈約三

殿臨春晉張協上已賦
蒼芳晉水中籬也芳
駕息蘭田晉張協上已賦

駕蘭田朱幔荆楚歲時記云取黍麴
舒翠幕和菜作羹以厭時氣
犢

車搜神記盧充三日臨水傍戲遙見水傍有犢
抱兒往開車戶見崔氏女并三歲兒其載因

金盃還充贈
薤露歌後漢梁商上巳日會客於

舉歎曰哀樂失時殃洛水酒酣繼以薤露歌周
咎必至商後果卒

蘭亭會上見
周公卜邑於洛

羽觴隨波秦王置酒於河金人捧劍續齊諧記云晉武帝

問尚書郎摯虞曰三日曲水其義何指答曰漢
章帝時平原徐肇以三月初生三女至三日俱
死一村以爲惟乃携酒至東流水邊洗滌去災
因水流以泛觴曲水之義起此帝曰若如所說
便非嘉節也尚書郎東哲曰摯虞小生不足以
知之臣請說其始昔周公卜洛邑因流水以泛
酒故逸詩云羽觴隨波流又秦昭王三日置酒
於河曲有金人自泉而出捧水心劍曰令君制
有西夏及霸諸侯乃因立各曲水二永和之春
漢相沿爲盛事帝善之賜金五十斤

癸丑之歲

罰酒三升得詩一句

世說郝隆爲桓公宿蠻參

軍時賓客大會作詩不成罰酒
三升而隆只得詩一句而

三已

沈佺期三
日詩云九

門馳道出三
已襖堂開

四筵

阮瞻
而談

會賦云列四筵
吉祥於斯塗周

襖曲洛

周之時襖
飲於曲路

晉宴

晉朝上巳
宴上林也

寒食

禁火之辰遊春之月寒食是仲春之末清明當

三月之初

禁其煙周之舊制

周禮禁其煙周之舊制不因于

推也

不斷火魏之新制

見魏武下

桐始開花

清明之日桐始開花

榆方出火

論語鑽鐃改火春取榆柳之火以順陽也

二三之月百五

之辰

歲時記云去冬至一百五日即有疾風甚雨謂之寒食

魏武之令

魏武

帝明罰令曰聞太原至雁門冬至後一百有五日皆絕火食云爲介子推且北方迺寒之地老少羸弱將有不堪之患今不得作寒食若犯者家長半歲刑主吏百日刑令長奪一月俸

舉之書

後漢周舉遷并州刺史大原舊俗以介子推焚骸一月斷火舉遺書於子推廟

云春中食寒一月老少
不堪今則三日而已
一月寒食見三日斷火

鄴中記并州俗爲介子
推斷火食食乾粥三日
畫鴨子以相餉關雞燭

寶典曰此節城市尤多鬪
雞之戲或彫鏤以相餉遺
蹴鞠劉向別錄云寒

造本兵勢也鞞韃本北
蹴鞠即毬也鞞韃方山
戎之戲以習輕趨也遺

麥粥齊魏收遺祭酪孟
景元麥粥祭酪孟孫楚
祭子推文曰醴酪大

麥爲之即今之麥粥
醴即今之餈是也內火
傳以出內火司烜禮

司烜氏仲春以木鐸修火禁
于國中注爲季春將出火也
白鳥拾遺記云文

推時有白鳥新烟謂出
從烟中斃介子推之遺風
魏武帝

之舊令晉文返國皆封從臣
詩于國門以諷之遂隱於綿山
文公求

之不得乃焚山求之子
飡盤飲燒飯曰飡
推燒死因斷火以報之
錫粥俗以備斷火
玉燭寶典曰今人研杏仁
為酪煑粥引錫沃之是也

歲華紀麗卷第二

唐韓鄂撰 明沈士龍胡震亨同校

夏

夏爲朱明時移新節

選云初伏新節隆暑赫曦

火風暑節

亦曰

炎節日乃丙丁時當焦苦

月令其蟲羽其音徵四月中仲呂其數七其

性禮其事視其味苦其臭焦其祀竈祭先肺

帝稱炎帝神號祝融蟲

羽音徵祀竈祭肺

見上昊天

夏曰昊天

暑雨

出書長羸

夏爲

長羸永日

見書

焦泉之曲

遠瑗云春有去鴈之歌夏有焦泉之曲

榮木

之詩

陶潛榮木詩序云日月推遷已復有夏

隆熾

射雉賦云時暑忽隆熾

恢

台

文選叔恢台之孟夏芳長養也

狼山毒草

山海經云狼山多毒草盛夏鳥過之

不能去

銀塘芳荷

李林夏日詩桐枝覆王檻荷葉滿銀塘

溫颶炎氣

文選朱夏振炎氣溽暑扇溫風

爍石流金

莊子

青春變節赤帝司

權火帝爲赤帝也

晝寢書裙

宋書王獻之夏月造羊欣欣著新練裙獻之入見之

乃書數幅而去夏處板榻

後漢羊茂字季實爲東郡守冬坐白羊皮夏處單板榻

涼君子而清王侯

壽陽山記明義樓南有三浴室上以清王侯中以涼君子

下以涼

冬巢居而夏穴處

晉書肅慎國人如此

火居盛德

月令夏盛德在火

木乃成陰

時景

梁元帝纂要曰夏曰朱明亦曰長贏

炎夏三夏九夏朱夏

司至

以伯趙氏爲司至者以夏至鳴冬至止伯趙伯勞也

司立

川鳥氏以立
夏來立冬去
羊茂板榻
見上
孫登草裳
神仙傳孫登夏則居

窟室披
不賀
漢雜事冬至至陽事起君子道長故賀夏至陰事起君子道衰故不賀

受餉
齊春秋何敬叔為長城令清廉夏節忽勝門受餉得米二千餘石代貧乏之人輸租

稅閉關
易曰先王以至日閉關商旅不行后不省方
榜門
見上
影長
尺有

五寸周禮云夏
至日在東井
宵短
至乃宵短
凱風扇物赫日流輝

麥含秀色
文選麥隴多秀色
柳結濃陰
雲吐奇峰

夏雲多
奇峰
火流永日
日永星火
萬木皆滋百草悉茂
文選

靡木不滋無
草不茂也
避暑之飲
光祿大夫劉松北鎮與袁紹子弟日共晏飲常

以三伏之日晝夜酣飲以避
時暑故河朔有避暑之飲
迎夏之郊
立夏之日盛德

在火迎夏於南天子親往郊也 **紛紜** 論語當暑絺紵 **乘離** 魏相云南方之神炎帝乘

離執衡

同夏

四月

日當昴位斗建巳初 月令斗建巳位之初 **律中仲呂杓指**

東南 孝經緯曰穀雨後十五日指東南 **立夏**

之日螻蝈鳴 後五日蚯蚓出 **小滿之日苦菜秀**

中氣後五日靡草死後五日小暑至 **麥秋** 百穀初生為春熟為秋故麥以孟夏為秋 **梅**

雨 梅熟時雨 **正陽之月** 正陽月愚未作 **盛暑之時** 亦

炎暑 **畏日揚輝火雲戒節碧樹之流鶯已老虹梁**

之語燕咸歸

維夏

四月

清和

首夏猶清和

祀雨師

祈穀實出輕挺重

月令挺重囚出輕繫

繼長增高

無有壞墮驅

獸

無害五穀

飲耐

以肅嘗麥

慶賜遂行

無不欣悅

行爵出祿

必當

其位習盛樂太雩帝

自韜鞬至祝敵皆盛樂也

禱祀山川

古卿士有

益於人者

贊拔傑俊

進賢良舉長大

無起土功

無發大眾無伐

大樹無妨蚕農

無大田獵

驅獸而已忍妨生類

登麥收繭

並見月令

四月八日

浴釋迦

荆楚歲時記云荆楚以四月八日諸寺各設會香湯浴佛共作龍華會以爲彌

勒下生之徵也

迎彌勒

見上注

右脇生

佛以周昭王二十四年甲寅四月八

日自母右

脇而生 半夜入道

年十九歲此日半夜逾城往雪山入道

求於

六年

太子在雪山六年思道不食四月八日成佛

溺金像

世說孫皓初治國於

地中得金像如小兒高踞便著厠前令持籌四日皓語像云今日浴佛來暮陰病懺悔乃瘥

全木榻

羊茂事見上

靈育生而孕先得夢

高僧傳曰釋元高小

名靈育母寇氏夢見胡僧持傘香花滿坐便即懷胎至四月八日生有異香及光明照壁迄旦

乃散因各曰靈育

劉宣泣而悲不自勝

宋書劉敬宣字萬壽八歲母死

四月八日入寺見衆僧浴佛乃下頭上金鏡爲母灌佛因泣下悲不自勝

八歲兒

見上

九子母

荆楚歲時記曰四月八日長沙寺閣下有九子母神是日市肆之人無子者供

養薄餅以乞子往往有驗

八字之佛爰來

荆楚人相承此日迎八字之佛於金

城設榻幢歌鼓
以為法華會

五香之水乃浴

高僧傳靡歌利頭四月八日浴

佛以都梁香為青色水鬱金香為赤色水丘隆香為白色水附子香為黃色水安息香為黑色水以灌佛頂

五月

日居參宿律中蕤賓昏角曉危

五月之節日在參昏角中曉危

中鳴蜩解鹿

夏至之日鹿角解後五日蜩始鳴

雲容益峻鶯老

無聲

麥秋梅夏

居高遠眺

可以居高明可以遠眺望可以

升山林可

眾果具繁

文選蕤賓之時景風扇物天和氣煖眾果具繁

藥可蓄

月令聚蓄百藥無用火南方

祀皇地

月令祀皇地祗于方丘岳瀆等

神夏至祭于大澤 長日助威稜之勢薰
日祀之用剛日

風同長育之恩 關市無索門閭無閉開市 遊

牝別羣犖騰駒 班馬政 芒種之日 蟠蜃之生五月節候 後五日鳴

始鳴後五日 風名黃雀雨曰濯枝風土記曰仲 夏大雨名濯

反舌無聲 枝雨六日方止東南常有風 月次居離斗維建

至曰黃雀長風亦曰薰風 午當陽極陰生之際是養神保壽之辰夏至之 日一陰

生 當正陽以戒月五月為 正陽月 諒無躁而處身月令 飛

火輪謂日 烏也 榮木槿易通說曰夏至 之日木槿榮 火雲方熾畏

景尤長 當陰陽分爭之時夏至之日陰陽爭 死生分君齊戒百

官靜事無刑以是齋戒養恬之日君子齋戒處必安靜

端午

日叶正陽時當中夏採蟾蜍之令飾抱朴子曰五月五日

採蟾蜍頭有入字者日中時取之陰乾一語鵠

日以其足畫地即為流水帶其左臂辟惡語鵠

鵠之佳辰歲時記以午日取鵠鵠兒毛羽新

幪狀元虛肇午日官船詩云報道鬼字魏取詩

鬼字伸印是龍剛不信果然奪得錦幪歸鬼字辟兵書

題靈文角黍之秋風土記午日烹鷺角黍又以菰葉裹粽黍以象陰陽

相包裏浴蘭之月大戴禮云午日朱索續漢書未分也

索五色為門戶赤符抱朴子曰或問辟五兵之飾以止惡氣道荅以五月五日著赤符

於心 **祭屈** 續齊諧記屈原五月五日投汨羅江

前 **祭屈** 死楚人哀之至此日以筒貯米投水

祭之漢建武元年長沙有人見三閭大夫曰常

苦蛟龍所竊今若有惠願以蒲葉裹五色絲纏

之則蛟龍後漢陳臨為蒼梧太守推誠以理

龍長也 **祠陳** 臨徵去後本郡以五月五日祠之

東門城上令小 **長命縷** 古詩云何人致契 **辟兵**

童潔服而舞 **結廬** 梁王筠五日

繒 裴玄新語曰五月五日集 **結廬** 詩結廬同楚

俗抹艾 **蓄藥** 又曰是日競採雜藥夏小正 **鬪百**

異詩人 **蓄藥** 云此日蓄藥以蠲除毒氣 **鬪百**

草 荆楚記云此日楚人鬪百草之戲 **纏五絲** 見 **忌蓋屋**

草今人又有鬪百草之戲 **纏五絲** 上 **忌蓋屋**

勿曝薦 風俗通云此日蓋屋令人頭禿又云不

得曝床薦席異苑曰新野庾寔嘗于五

月五日曝席薦忽見一小兒死于薦下俄

午位

失所在其後寔女遂亡因相傳以為忌

初杓一陰潛發當赤帝炎威之際是朱明熾

之時

救屈原以爲俗

午日競渡荆楚記曰舟救屈原也

因句

踐以成風

越地傳云競渡起于越王句踐

月號正陽時惟端午

雲簇竒峰之狀竄凝寒水之姿

胡廣生

世說胡廣

本姓黃以五月五日生父惡之盛胡蘆弃江中居人見之收養以爲己子托胡蘆生乃姓胡

曹娥死

異苑曰曹娥父以五月五日溺死娥經江號哭七日遂投江死三日後與父屍

俱時當採艾節及浴蘭

荆楚歲時記云宗測常以五月五日未雞鳴時

採艾見似人處攬而取之用灸有驗

燒空之畏日尤長觸戶之炎

光益盛

見上包菰

風土記云午日以菰葉裹黏米以象陰陽之相包裹

掛艾

荆楚記五月五日楚人皆踏百草
採艾爲人形掛於戶上以禳毒氣
記以五綵縷造百索繫臂一名
長命縷一名辟兵繒以相餉也
五綵纏筒見

熱

大暑賦

夏侯湛作大暑賦云三伏相仍
阻暑彤彤上無纖雲下無微風
苦熱行

文選苦熱云砂礫銷鑠草木焦卷處涼臺而有
鬱蒸之頽浴寒水而有灼爛之苦宇宙雖廣無
陰以憇昔聞草木焦今見砂
石爛大火灼光炎氣酷烈
如熱得涼如渴得

漿盛夏之陰

萬物歸之言其涼也

以瓜鎮心

鄭灼字茂照嘗讀書時大

熱以瓜鎮心

穿岸爲室

後漢馬援行軍至長沙欲進擊壺頭遇夏暑盛

熱穿岸爲室

炎風畏景火雲赫日

云我無所

以避暑氣

言無
鹿身如煖如焚煖燎也言熱如火燒風雲鬱其如火天地

赫以爲爐 禋于六宗已見寒門禋于六宗注中飲于三伏

見暘者莊子曰暘者反凍乎冷風又京房易飛

火之氣必瘳心詩云我心瘳暑機女抱綜耕夫釋耜曹

云機女與耕夫背暑不期而食冰之鼠北方層

齊跡向陰不會而成群者也

有鼠食冰肉重千斤作脯以禦熱 飛雪之方王仲都服飛雪散能盛暑中使曝坐

周焚以火口不言 涼草杜陽編暑則設迎涼草寒則設鳳首木也寒

溪武昌記曰樊山東有小溪夏時身熱坂漢書

傳曰蜀賓道歷大小頭頭痛山上見當秦穆公三

庚之日

史云秦穆公三年初伏注云六月上伏日秦皇置又穆公始爲伏祠取夏至後

第三庚爲初伏第四庚爲中伏立秋後初庚爲末伏謂之三伏又謂之三旬

思葛稚

川六甲之符

抱朴子曰或問不熱之道荅曰立夏或服玄冰丸飛雪散帶六壬六

甲符處榭登山

可以升山陵可以處臺榭

當風交扇

已具伏日食白粥注

暑煮

釋名曰暑煮也如煮物也當暑太暑溽暑暑六月暑正喝暑毒暑徂暑六月炎暑熱

蕪

釋名曰熱蕪也如火所蕪也苦熱酷熱旱熱炎熱

升山陵紵絺綌

可畏

春秋云夏日可畏

如熏

詩云憂心如熏熏灼爛也

旱

草木焦枯砂石銷爛上見雲漢之章土龍之象

許慎

注湯遭大旱作土龍以象雲從龍

湯之七年

湯七年大旱無一日有雨

魯之

八月

左傳魯僖公三年自十月不雨至次年五月旱且不為災也

雲

從龍

易曰雲從龍

似虎

兵書猛將之雲氣似虎也

山既出雲

禮曰山川

出雲

天必降雨

易曰雲行雨施

雲紀

黃帝受命有雲瑞故以雲紀事又有雲官

也

瑞書

有瑞必書

不崇朝而徧天下

公羊傳曰觸石而出膚寸而合

不崇朝而徧雨天下太山雲也

不待族而潤寰中

莊子內篇廣成子謂黃帝

曰自爾治天下雲氣不待族而雨

邴生之鶴

邴原北海人也遭漢亂隱於遼東徵

召不仕時人謂之曰雲間白鶴

陸氏之龍

世說陸士龍嘗在張華筵上自稱曰雲間

陸士龍 **李陵仰視** 李陵贈蘇武詩云仰視靖節思

親 陶靖節詩序停雲思親友也 **霏霏承宇** 楚辭英英露茅 詩英

雲露彼菅茅 **荷鍾決渠** 文選決渠降雨荷鍾成雲 **油然作雲沛然**

下雨 **赤爲兵驗黃乃時豐** 保章氏以五色雲物辨吉凶之稜祥

二至二分占視日旁雲色青爲虫不興 文選朝

白爲喪赤爲兵荒黑爲水黃爲豐 **不興** 文選朝

而黃潦 **可望** 堯紀望 **陽臺** 朝雲 **巫峽** **飛揚** 高祖

太風起兮 **決濟** 五色呈瑞 **出岫** 歸去來辭雲無心以出岫 **上**

天 詩曰上天同 **辨豐凶卜水旱** 周禮保章氏以五色雲物辨吉凶

凶水旱豐荒之稜祥注云 **赤鳥飛** 左傳楚雲如衆赤鳥夾日

雲色有五以別水旱豐荒

以飛三日太史曰其當王身乎

白雲起

後漢蘄子訓到洛見公卿數十處後皆白雲起

蒼蔚

詩云蒼蔚蔚乃雲與之兒

屏翳

雲師名也

奇峰

夏

多奇

垂天

莊子大鵬翼若垂天之雲

觸石

見上

潤礎

淮南子

蒸柱

出蒼梧

歸藏曰有白雲出蒼梧入于大梁

至帝鄉

莊子乘彼白雲

至于

陰陽聚

春秋元命苞云陰陽聚為雲

山川氣

說文曰雲山川之氣

也又西王母有白雲謠云白雲在天丘陵自出道路悠遠山川間之見周穆王傳

瑞雲

德動天心瑞開雲物

淒淒祈祈

詩云有淒淒淒與雨祈祈

紛紛郁郁

史記若煙非煙若雲非雲紛紛郁郁蕭索輪囷是謂慶雲

起封中

漢武封太山夜有光
晝有白雲起於封中
覆寶鼎 汾陰寶鼎天子書
祠之黃雲覆焉

瑞 分至啓閉
必書雲物
紀官 黃帝以有雲瑞
因以雲紀官
靉黧氤氳

瑞氣慶雲 景雲卿雲祥
雲瑞雲也
非煙 非煙非霧五色
氤氳皆瑞雲也
禘

雲 瑞應圖曰商雲其狀
外赤內青一曰慶雲
金枝玉葉 黃帝與蚩尤
戰于涿鹿之

野常有五色雲氣金枝玉葉止
於帝上有花葩之象故作華蓋
干呂 東方朔十
洲記曰青

雲干呂連
月不散
扶日 洛書曰蒼帝起青雲扶日赤帝
起赤雲扶日黃帝起黃雲扶日

風

風則從箕月離於畢 箕星好風春秋緯曰風從
箕星揚砂走石詩云月離

於畢俾
滂沱矣
天地噫氣 風者天地
之噫氣也
琴歌其南 舜作五
絃之琴

以歌南風曰南風之薰
兮可以解我民之暍兮
馬嘶其北古詩胡馬依北風
大

風歌

高祖過沛作大風歌曰大風起兮雲飛揚安得猛士兮守四方
秋風辭武

帝作秋風辭云秋風起兮白雲飛草木黃落兮
鴈南歸蘭有秀兮菊有芳懷佳人兮不能忘

石尤

無將故人酒不及石尤風
飛廉風伯名也
箕星風星名也
地籟莊

曰汝聞天籟而未聞地籟注風吹萬物也
鳴條太平之代風不鳴條
八風見上
五

風

堯時五虎嘯淮南子曰虎嘯而谷風生
鸞鳴禮記前有塵埃則載鳴鸞

注鸞鳴則風生也
易水寒燕丹送荆軻於易水之上
洞

庭波

楚詞嫋嫋兮木葉下
空穴拱向來巢
開襟選

憑軒檻以回望
鵲巢淮南子云烏鵲識歲之鳥
向北風而開襟

路

選云風煙有鳥路江漢恨無梁

揚仁風

袁宏爲東郡守謝安授以扇宏曰輒當奉

揚仁風慰

辟臭腐

帝王世紀堯時厨中自生肉脯薄如髮形搖動則風生使

彼黎庶食物寒而不

從虎

虎風從

相烏

述征記長安宮南靈臺上有相風銅

臭名曰翼脯

愈病析醒

出選

阜財解愠

詩云南風之薰兮可

鳥遇千里

以解吾民之愠兮南風之時兮可以阜吾民之財兮

退宋都之鷓

左傳六鷓退飛

過宋都

搏南海之鵬

莊子

膚發粟冽

出詩

衝孔襲門

風也

巽風起兌澤流

易巽爲風又風以散之鼓動萬物者莫疾乎風

賦

擢木

木秀於林風必摧之

入松

琴曲有松風入松

木無

冷冷獵獵

並選

鼓之以雷霆潤之以風雨

易

靜柯

淒風

春無妻風

景風

四氣和爲通正謂之景風

習習

谷風

颭颭

秋風

列

子善御

列子能乘風又云御風而行冷然善也

師曠驟歌

左傳師曠曰吾

驟歌

北風歌南風南風不競歌者吹律以詠入風南風者微故曰不競

穆若

穆若清風

罷兮

選秋風罷兮春草生

轉蕙泛蘭

楚詞光風轉蕙泛崇蘭

拔樹發

屋

項王圍漢三匝風從西北來折木發屋揚沙石楚軍大敗漢王得數千騎遁去

君子

之德

論語

庶人之雌

宋玉風賦大王之風雌

動沙漚吹

死灰

見下

揚塵

庶人之風翕然起於窮巷墀

奪熱

純扇詩常恐秋節至涼颭奪炎熱

空穴來

見上青蘋末宋玉風賦夫風生于

地起於青蘋之末

風災

飄風不終朝驟雨不終日

老子震凌揚子曰震風凌雨然後知

夏屋之爲幘也

霾暄

詩終風且暄終風且暄

海鳥避

海鳥曰爰居止於魯

東門外展禽曰今茲海其有災也夫廣川神之鳥獸恒知避其災是歲也果有大風

行

博物志云太公爲灌壇令文王夢婦人哭當道問之曰我太山神女嫁爲西海神婦吾行

必以疾風暴雨灌壇當吾道不敢以疾風暴雨夢覺白太公三日果有疾風過

賦湖上

慄怒

並風激物之貌

廢石

廢動也

發屋

見風災數

起國多暴雨

木拔

書

沙揚

見

占風

占之識老子之來

神仙傳老子將去周而出關以昇崑崙關令尹喜占風知

有神人來過乃掃道以待老子老子知喜命應得道仍以長生術授喜

候之知關

羽之敗

建康實錄吳大帝與關羽戰羽乞降大帝以問趙達達曰彼有走氣言降詐也

乃使人於路邀之趙達曰雖走必不能脫午時有風觸幃達撫手曰羽至矣果擒關羽而至

君子

瑞應圖曰離地三尺名爲君子之風

庶人偃禾拔木

書歷

樹拂堂

北齊書曰武衛奚永洛與河內張子信對坐時有鵲鳴於庭樹上鬪而墜焉子

信曰鵲不喜向夕若風從西來歷樹拂堂角則夜必有召君輒不得往子信出後果風來至高

儼使人召永洛且云勅喚永洛便欲去其妻止之而稱馬墜腰折果免難也

八風

之五風

五日一風十日一雨

大王

大王風見選

少女

管輅傳曰時大旱輅

云即今當雨樹上已有少
女微風須臾之間雨果至
修宮室完邊城不周風至

誅有罪斷大刑

廣莫風至易緯通義云

變色

迅雷風烈必變色而作

辨聲

善候風占聲知吉凶

五色各異

太皞氏之王天下五方風並異色也

節不同

立春條風春分明庶風立夏清風夏至景風立秋涼風秋分閭闔風立冬廣

莫風冬至朔風各有所主以占事也

雨

雨以潤之

秋無苦雨九旬十夜三日淫雨早風降零雨其濛驟雨不終日時雨

以散之

易

祁祁

毛詩

森森

選森森散雨足

長安之諺

韋杜去天尺五杜牧雨詩注中出

先生之請

晉書云東先生通神明請天三日其

諺云城南

雨行過恐妨於賢令見風門注知來必信於穴居昔

仲舒讀書於窻下有人自外詣之曰今日必雨

仲舒曰吾聞巢居知風穴居知雨君非狐狸必

是老鼠遠窺之見其罕居之均天澤漢書天文志云畢爲

罕居洪範傳罕星好雨棧道之霖鈴聲玄宗幸西蜀南至斜谷嶺霖雨涉旬

於棧道雨中聞鈴聲與雨相應上悼貴妃因採

其聲爲雨霖鈴寄恨焉時梨園子弟善音律者

張野狐從至蜀上即以其作解易若濡傳曰道

曲授之其曲今在法部

若濡天降禮記天降時月離詩月離于畢俾滂沱矣倒井見

傾盆大雨驅垤鶴使之飛鳴詩鶴鳴于垤言將雨也鞭商牟

令其鼓舞家語童謠云天將大雨近壬子管輅

河見太守曰天旱何如輅曰今夕當雨傳曰近壬子日值蒲星中已有水氣食頃當至果如言

禁丙丁

俗說久雨不晴禁丙丁乃得晴

應鳴鼓而與雲雨

封穴之蟻

易占曰蟻封穴

洗兵

武王伐紂

大雨**滅火**

成都市火甚盛焚英巽酒以滅之

雨田疇

雨我公田遂及我私

害粢盛

左傳天作淫雨害於粢盛

不節

禮記風雨不節則飢

以時

時雨將降

時雨及時之雨也

燕飛

湘川零陵有石燕遇雨則飛

驟躍

淮南子曰黑驟神乳

潛泉而居將雨則躍

霖霖

益之以霖霖注云霖霖小雨也

霈然

下如晦風

雨如**伐殷**

搜神記武王伐殷至冥討邢

討邢

左傳衛大

雨**密雨**

密雨如敬絲

膏澤

多豐年

降不破塊

益鐵論周公之時風

不鳴條雨不破注必隨車漢百里嵩為徐州牧境內旱行部傳車所

經其雨假蓋孔子將行雨而無蓋門人曰商有

輒降假蓋於子夏勝裘披雪沐雨則裘霑服諸侯朝

護其短也勝裘披雪沐雨則裘霑服天子雨

霑服失墊巾郭林宗雨中行墊其角巾社公雨

俗說社公不食舊水少女風見上漂粟鄒子曰朱

故近社必有雨也少女風見上漂粟買臣學業

不休其家曝粟令臣流麥高鳳事雨師屏翳為

守不覺雨漂粟也流麥同上云雨師雨師列

傳又云赤松子雲將見莊愁霖三日雨為霖雨

神農時雨師也雲將見莊愁霖久為愁霖文選

愁霖貫夜雨夜雨滴五政管子曰五政順一旬

秋序夜雨空壻五政時者春雨乃來一旬

太平之時五日一風十日一雨

六月

日在東井律中林鍾

夏窮暑退

火中寒暑乃退謂季夏及

季暑變溫風

小暑溫風至六月節也後五日

螢

飛腐草

大暑日腐草爲螢後五日土潤溽暑後五日大雨時行

畏日更延

於黃道秋陽益熾於炎光

簞展輕冰扇搖團

月 新律將加於煩暑下伏式啓於炎陽

簡文帝若

熱詩云六龍駕不息三伏啓炎陽

徂暑

六月徂暑

溫風

見上

糞田

可以糞田

疇可以美土疆

滌綵

命有司滌綵黼黻文章必以法故無或差忒以供郊廟祭祀之服以

爲旂章以別貴賤等級之度

大雨時行

大雨時行乃燒薙溫行水利以殺草也

溫

風已至

季夏之日

土潤溽暑

見節退早秋

時當殺

草

殺草見上

行木

命有司入山行木無斬伐爲木未堅成

無興土功可

資農事

不可以興土功不可以合諸侯不可以起兵動衆注云土將用事欲靜也農事

糞田疇也

伏日

秋夏交會之辰金火伏藏之日

晉志釋曰立秋以金代火金畏

火故至庚日必伏庚者金也故曰伏史記注云六月上伏日秦始皇所置

三伏之秋

陰陽書曰夏至後第三庚爲初伏四庚爲中伏立秋後初庚爲末伏

一時之暑

略

曰劉松表紹於河朔三伏之際晝夜飲酒乃至無知以避一時之暑故河朔間有避暑之飲

秦修祠

史記秦穆公始爲伏祠

漢擇日

風俗通曰漢中巴蜀高祖用張良策

還定三秦蓋君子之所因者本也論功定封祠加以金帛重復寵異令擇伏日不同凡俗也

黃石

史記留侯旣得黃石留侯死并黃石而葬每上冢伏膺祠黃石

飡白粥

上見

當謝安食白粥之辰

世說郗超子嘉賓三伏之日詣謝公炎暑熏赫當風

交扇猶沾汗流離謝公著故絹汗衫食熱白粥晏然無異郗謂謝公曰非君幾不堪如此也

是方朔割賜肉之日

漢東方朔爲郎伏日上賜諸郎肉朔獨拔劔割肉謂

同官曰伏日當早歸諸受賜郎懷肉而去上問朔曰賜肉不待詔何也令自責朔曰受賜不待

詔一何無禮也拔劔自割肉一何壯也割之不

多又何廉也婦遺細君又何仁也上笑曰令卿自責而反自譽復賜酒

進湯餅

荆楚歲時記云伏日進湯餅名

爲餅薦麥瓜
月令曰初伏薦
惡餅於祖補

歲華紀麗卷第二

歲華紀麗卷第三

唐韓諤撰 明沈士龍胡震亨同校

秋

秋爲白藏

梁元帝纂要云秋爲白藏亦曰收景成亦曰三秋素秋高秋商秋九秋

當素節

又曰節曰素節商節辰曰淒辰霜辰

帝稱少皞其帝少皞神號

蓐收

其神蓐收

衆木搖落

見秋賦

一葉飄零

淮南子曰一葉落而

知天白精君

其帝少皞

其神蓐收白精之君金下秋

之子曰該蕭條野

曹植詩云秋風發微涼寒蟬鳴我側原野何蕭條白日忽

西金祗司矩

南齊謝朓七夕賦云金祗司矩火曜方流

火旻團露文選

秋岍澄夕陰 西墅之接白門思玄賦云蹶白門而東馳兮云台行

火旻團朝露 平西墅蹶履也 南霄之度征鴈陶潛秋詩哀蟬無留響征鴈鳴

白門秋門也 南霄之度征鴈亦曰朗

南玉帝規時秋白 金風屆序盛德 清景亦曰朗

旻天旻愍也愍萬物之凋零 戒以白露申以嚴霜 風月

商風金風素風淒風高風激風涼風悲 草木白

風清風秋月皎月皓月素月朗月明月 草木白

衰草霜草疎木霜木 屬商其虫毛其音商其數

霜林衰林霜柯霜條 九其性義其事言其

味辛其臭腥其 天子食魚庶人薦黍月 靈運嘗

祀門祭先肝 聞於理棹謝靈運詩云述職期 沈約見詠於縫

裙秋夜詩云墮墮螢入霧離離鴈 露珠低圓雲

出雲巴童暗理瑟漢女夜縫裙

羅高薄

秋雲如羅

張季鷹之歌發鱸魚

歌曰秋風起兮木葉飛吳

江水兮鱸正肥三千里兮家未歸恨禁難兮仰天悲遂掛冠而去

班婕妤之悲

生紈扇

紈扇詩云長恐秋節至涼飈奪炎熱弃之篋笥中恩情中道絕

草黃鴈

歸之歌

漢武帝歌云草木黃落兮鴈南歸

水閣露濃之賦

李德賦云

秋水闊兮秋露濃盛花落兮歎芙蓉

鴈過天青蟬鳴露白

嫋嫋

悲風

選云翊翊兮秋風

淒淒寒日

詩云秋日淒淒百卉具腓腓病也涼風用

事而衆草病興也

露凝白玉菊散黃金

秋日詩露凝千片玉菊散一叢

金日就高低影雲空點綴陰又云菊散金風起荷疎玉露圓將秋數行鴈離夏幾林蟬雲凝愁

半嶺露碎

敗蘭

文子曰蘭叢欲芳秋風敗乏

槁葉

秋興賦云野有歸燕

隰有翔隼遊氣朝興槁葉夕隕屏輕簾釋織絺
藉莞蒨御袂衣天晃朗以彌高日悠揚而寢微

短晷長宵

又云何陽鳥之短晷覺良夜之方永熠燿燦於門闌懸率鳴於軒屏

悲

聞宋王之辭恨入潘安之鬢

宋玉九辨悲哉秋之爲氣也又潘安

仁春秋三十二始生二毛也

高梧減韻腐草流輝

靈運之

詩

愁霖冠秋序

照鄰之賦

秋霖賦云都襄陵之與昏墊

風零蒲柳

晉顧凱曰蒲柳之姿望秋先零

霜敗芝蘭

露結蒹葭風生桂

樹

詩云蒹葭蒼蒼白露爲霜文選云秋風生桂枝

漢儀斬牲

晉書曰漢儀立秋日

白郊禮畢始揚威武斬牲於東門以薦廟也

周禮擊鼓

周禮仲秋夜擊土鼓箛幽

詩以
迎寒

七月

日在張星律中夷則河漢方秋天地始肅

禾乃登繕

因圍具桎梏斷薄刑決小罪納材葦坏墻垣修官室

流火

七月

在金

盛德在金

葉下高梧煙消弱柳

當褚淵彈琴之夕

南齊書世

祖在東宮賜褚淵銀鑰琵琶又嘗會宴袁粲舍時初秋涼夕風月甚美淵援琴奏別鶴之曲官

商既奏風神諧暢謝莊撫節而嘆曰以無累之神合有道之器

寔孫寶署吏之

辰

漢孫寶爲京兆尹立秋日暑吏侯文爲東督郵勅曰今月鷹隼始擊當從天氣

夜景

漸遲於玉漏秋聲將嘯於金風

見上立秋

立秋日涼風至

後五日白露降後五日寒蟬鳴

處暑

處暑之日鷹乃祭鳥後五日天地始肅後五日禾乃

登珠露初圓銀河漸轉隄柳之蟬聲已急庭莎

之蛩韻方多將迓蓐收之轡

其神蓐收

已遙炎帝之

車

夏曰炎帝

勵兵

月令云賞軍旅武人乃命將帥選士勵兵簡練築後專任有功以征

不義詰誅暴慢以明好惡順彼遠方

登穀

是月築塲圃登穀天子嘗新先薦寢廟

金

風改候銀漢橫空淒涼乍變於商聲肅殺已臨
於兌位堤柳煙收渚蓮香裊曉露而長垂珠影
涼風而遽振金聲並見上威徵大火律變商風氣
迎少皞之車景促羲和之轡

七夕

珪月初生

秋月如珪

珠露方滴

秋露如珠

縷羈五色

西京雜記

云賈佩蘭在宮時七月七日臨百子池作樂樂畢以五色縷相羈謂之連愛

車駐七

襄

梁何遜七夕詩云仙車駐七襄鳳駕出天潢

針鼻之縷

庚信七夕賦縷條緊

而貫中針鼻細而穿空

玉匣之衣

庾肩五七夕詩云玉匣卷懸衣針樓開夜扉矩

娥隨月落織女逐星歸

鵲橋已成

風俗通云織女七夕當渡河使鵲爲橋

女將渡

吳均齊諧記云桂陽成武丁有仙道忽謂弟子曰七月七夕織女將渡河暫過

牽牛吾向以被召明日失所在後世人至今云織女嫁牽牛

三秋佳節七夕

良辰

玉露初下

露白故曰玉露

銀河已橫

亦曰銀漢雲幄

選寂寞

河鼓

爾雅曰河鼓謂之牽牛

曝書策曬衣裳

王

喬則舉手謝世

列仙傳云王子喬見桓良曰告我家七月七日待我於緱山頭

至時果乘白鶴於山頭望之不得到舉手謝世人數日而去

蔡經則鳴鼓還

家

吳蔡經字方平去家十餘年忽還謂家人曰七月七日王君來到期可多作數百解飯以

供從官至日果然聞金鼓蕭管人馬之聲從天而下

白鶴翔山上青鳥來

殿前

七月七日西王母詣漢武忽有青鳥從西而來集殿前

曬腹

郝隆晒腹中書

齋心

漢武帝齋心待王母又此月中會日宜齋也

穿針眼

荆楚記云七夕婦人

以綵縷穿七孔針陳几筵酒脯瓜果於庭中以乞巧或云見天河中有奔奔白氣或耀五色以

為徵見便

掛犢鼻

竹林七賢傳曰七月七日諸阮庭中鋪陳莫非錦綉阮咸

拜得福
時總角乃豎長竿標大犢鼻裍于庭曰未能免俗聊復共爾

靈匹

謂織女瑞嫁牽牛

光

前漢竇皇后傳云后觀津人也少小頭禿不為家人所齒遇七夕夜人皆看織女獨不許

后出乃有神光照室為后之瑞

作麴曬衣

崔氏四民月令其日作麴晒衣龍駕

之亂鳳管

謝朓詩云回龍駕之容裔亂鳳管之淒鏘

瓊佩之結雲裳

晉蘇彥詠織女詩云織女思北征牽牛嘆南陽時來嘉慶集整駕巾玉箱瓊珮垂藻蕤霧裾結

雲裳悵悵一宵促遲遲別日長

中元

日在張星

中氣

斗建申位

孟秋之望中氣之辰

道門寶蓋獻在中元

道經云七月十五日中元地官考校勾搜選天人分

別善惡以其日作玄都大獻于玉京山以諸奇異妙好幡幢寶蓋供養之具精膳飲食獻諸衆

聖道士於其日講論老子

釋氏蘭盆盛於此日

經十方大聖高詠靈篇

孟蘭盆經云目連以母生餓鬼中至此日以百

味五果著盆中供養十方大德而後母得食目

連白佛凡弟子孝順者以應奉孟蘭地官考校

盆供養佛言大善後因之廣爲華飾

之元日天人集聚之良辰

見釋氏託生

謝承後漢書云

佛以癸丑七月十五日寄生于淨住國摩耶夫人腹中至周莊王十年甲寅四月八日生衆

僧解夏

荆楚記云十五日僧尼坐草爲一歲云

長養之節在外恐傷草木虫類故九日安居

又經云四月八日坐樹下至七月十五日爲一

僧解夏

露

降於五日

月令云後五日白露降

滋彼三秋

中秋乃露滋

散而

爲露結以成霜

大戴記曰陽氣勝陰則散爲雨露

厭浥之行泛

灑之彩

詩云厭浥行露乃濕貌泛灑露彩也

湛湛瀼瀼

零露瀼瀼

露彼

菅茅

詩曰英英白雲露彼菅茅

託於桐葉

蘇子曰人生于世若朝露之寄於桐

葉鶴鳴

風土記云鶴性警白露降而鳴

蟬飲

取其潔也

盤之中

撫仙掌以

珠盤擢金

薤之上

薤露歌曰薤上露何易晞

潤玉垂珠

露之形也

晨降

楚辭霧露雰其晨降雲依霏而承宇

宵零

典引曰甘露宵零於豐草

下地

騰文

選云露下地以騰文

助海成深

張衡奏事曰霧露助海

詩人夜

行見厭浥之詠君子春履有林惕之心

禮記祭義云春

雨露既濡君子履之必有休惕之心祀親也

濕衣之譏

劉向說苑曰吳欲伐荆令

曰敢有諫者死有舍人少孺子者意欲諫乃懷彈于後園露沾其衣如是三朝王曰子求何苦露沾衣如是對曰園中有樹其端有蟬蟬高居悲鳴吸風飲露不知蟾蜍在後而蟾蜍不知黃雀居其後然黃雀又不知臣操彈居其下臣但捕黃雀不覺露濕其衣此乃視其利不顧其後王遂綴冠之飾束皙曰零露如珠

罷兵

綴冠之飾

非綴冠之飾也

瑞露

德動皇天

瑞應圖曰王者施德惠則甘露降

瑞呈甘露

沈約

之謝啓

沈約謝賜甘露啓言蒙賜法音寺松葉上甘露臣往年經見不過沾條而已時

或凝結纒若輕霧木有玉聚珠聯光祭若是者也

鄭平之食羹

唐書李林甫女

鬚髮已白甫曰明日上賜其露羹可食之
雖皓即當髮黑明日使食之一夕盡皆變黑

脂之潔

其露一名天酒一名仁澤其凝如脂其甘如飴

如醴之甘

見松

柏受而王者養老竹葦沾而王者尊賢

晉中興書云王

者愛養者老則其露降於松柏之上王者尊賢容衆則降于竹葦之上受之以爲年紀也

危

伊尹說湯曰水之美不過三危之露乃瑞露也

五色

東方朔曰吉雲之地其國俗之

雲氣占吉凶若樂事則滿室雲起五色照人著于草樹皆成五色露珠甚甘

表至德

之馨且因宵降

老子曰天地相合以降其露人莫之合而自均

含孔甘

之味不待秋凝

見上

紀年

以爲膏露天不愛其道故天降膏露

霜

三秋降百工休

秋季則百工休

碧霜

拾遺記曰廣延國霜色紺

碧青女

淮南子曰霜神名青女

始凝

易履霜堅冰陰始凝也又云陰勝陽則凝

爲霜

露結

詩云蒹葭蒼蒼白露爲霜

有餘酸

北齊邢子才冬夜直史館詩云

况乃冬之夜霜氣有餘酸

殄異類

陶潛詩云青松在東園衆草混其奇晨霜殄異類卓

然見高枝

陰陽之氣

大戴記曰霜陰陽之氣也陰氣勝陽則結而爲霜

刑罰

之表

春秋感精符曰霜刑罰之表季秋霜始降鷹隼擊王者順天行誅以成肅殺之威

葛屨

詩云糾糾葛屨可以履霜

紈扇

紈扇詩云皎潔如霜雪

馬見

國語云駟

見而隕霜隕霜而冬裘具駟房星也

鴈成

見上鷹擊霜降則

豺祭

霜降

祭獸之日豺

馬蹄

莊子曰馬蹄可以踐霜雪

蠶繭

拾遺記圓嶠之山有冰蠶以霜

雪覆之然

後成繭 九鐘之鳴

山海經曰豐山有九鍾霜降其鍾自鳴

神爐

之妙

抱朴子曰凝霜雪於神爐採靈芝于嵩岳

殺木

元命苞曰霜以殺木

霑衣

微微沾人衣

孝子踐

琴操曰履霜操伯奇所作吉甫信後妻之言逐伯奇自傷無罪

清晨起履霜乃操琴而鼓之

君子履

君子履之必有悽愴之心

青楸離

江淹

別賦見紅蘭之受露望青楸之離霜

冬裘具

國語云隕霜而冬裘具清風至而修城郭

宮室 婦女成功

家語曰霜降而婦功成嫁娶行焉

鷹隼乃擊

見上

霜災

雪霜大至

月令

正月之繁詩人興憂傷之歎

見上 季

秋既降君子有悽愴之心

見上

不殺草

春秋感精符曰王者

政令苛則夏下霜誅罰

乃附木

京房易傳曰誅

不行則冬霜不殺草

雪冤

淮南子曰鄒衍事主

誅其霜反在草下

盡忠燕惠王信讒囚

衍衍仰天哭天

殺菽

春秋周十月今

令苛而夏

為五月降霜

月書失時

降氣勝而秋零

見上

月

太陰之精

淮南子曰月

坎官之德

易云坎

如珪

月賦秋

如鈎

選云始見西南樓纖纖如玉

度南

月如珪

鈎未映東北

北堦娟娟似蛾眉

陶潛雜

端北齊邢子才

冬夜直史館詩

出東嶺

陶潛雜

詩云白

云風音響北

牖月影度南

端

抱朴子

月生云

日淪西河素

月出東嶺

遙

破環

月

初生及既虧

遙萬里輝蕩蕩

空中影

破環

月

初生及既虧

破環

之後視之宜如三寸鏡稍稍
轉大初如破環漸漸滿也
破鏡古詩何當大

上**三七**三辰三光七曜
三五三五而縮**成象**在天

成**無私**日月無**生于西**禮曰大明生于東月生

位**行于北**漢書云月立夏夏至行南方赤道曰

二分則同道**王郎之善歌一曲**世說王曇善歌

二至則相遇**王郎之善歌一曲**謝公欲聞之而

王名家少年無由得聞後公出東府上山作妓

樂遇曇出庾家墓竹中作一曲于時秋月王因

舉頭看北林卒曲而去諸妓
白謝公曰此乃王郎歌也
徐勉之不論五官

梁徐勉嘗集門客有虞鬻者求五官詹事勉正

色答曰今夕只可談風月不宜及公事時人服

之**牛喘**世說吳牛見月而喘謂水牛生江

淮間畏熱見月恐其日也故喘

鵲飛

魏武帝歌曰月明星稀烏鵲南飛

夜光

淮南子云月一名夜光

望舒

淮南子云

月御曰望舒亦曰纖阿

漢東蚌

梁庚肩吾望月詩云桂殿月偏來流光引上才圓隨

漢東蚌暈

淮南灰

見謝謏對飲

謝謏有時獨醉云入吾室者但

有清風對吾飲者惟當明月

闕澤見名

吳會稽先賢傳闕澤年十二夢見名字灼

然在月中後

蛾眉

見上蟾魄

三日成魄

皎兮

陳風月出皎兮又月

出皓兮月

出矣

莊子曰日日出矣

照臨

照臨下土

迴環

謂回

也 三日成魄

鄉飲禮三讓象月之三日成魄

一月之光

文子百星之明

不如一

代照

日月月代照

迭微

詩曰居月諸胡迭而微

金精

月賦云月

以陰靈亦

瑤彩

月玉鈎上見

水德

金精之正色

日金精

水德之明輝

金波月灰暈

淮南子曰畫隨灰而月暈闕許慎注

曰以蘆灰環闕其一

面則月暈亦缺于上

莫莢應月而

桂華月中

西

園遊

曹植詩云清夜遊西園明月澄清景

北堂寢

陸機詩曰安寢北堂上明月入

我曠照之有餘光攬之不盈手

麗天

易日月麗乎天

離畢

詩月離于畢

從星

書月之從星

出水

淮南子云方諸見月則津而為水高誘注云方諸陰燧大蛤也熱摩

拭令熱向月下則生水

紈扇

班婕妤詩云新裂齊紈素鮮潔如霜雪裁為合歡扇團團

似明

玉臺

月如

瑤蟾

瑤兔蟾輝素娥素月蟾魄並月

玉兔

金兔陰兔

莫階桂影

桂輪

日就月將

詩出

日兄月姊

春秋感精符曰人主

兄日

皆仰

人皆仰之

具瞻

人皆具瞻

闕之

釋名日月闕也言滿則復闕也

沒兮

謝莊月賦月既沒兮露欲晞

朔晦

朔月初之名朔蘇也如死復蘇晦月盡之

名晦灰也死爲灰又月光盡色似灰弦望者月滿之名日月遙相望也

弦望

弦者月半之名初七八爲上弦二十二三爲下

瑞月

德聞皇天慶見於月

姮娥奔

羿妻竊藥奔月爲月中之仙也

夏禹過

夏禹未遇夢乘舟月中過

合璧

漢書至德之時日月若合璧

重輪

漢明帝作太子樂歌四章一曰日重光二曰月重輪三曰星重暉四曰海重潤以贊太子之德

三珥

軍占曰若月三珥者大臣有喜

陰靈

見上

委照而吳業昌

孫堅

夫人吳氏夢月入懷生孫策

淪精而漢道融

漢元后母李氏夢月入懷而生

元入懷見上盈手見上連壁日月連壁孕珠蚌望月而孕珠又月望則

蚌蛤實

災蝕

日月薄蝕天地之災 魚減淮南子曰日月蝕而魚腦減麟

鬪元命苞云麒麟鬪則日月薄蝕彗星襲月辛慶忌勇猛之將被要離謀殺以劍

自刎將死不用其行行道也詩日月何損於明

謂君子之過君子之過如大人之災日月之蝕

遇盈則蝕月盈則蝕與時消息則維其常詩彼月而蝕謫

見於天禮曰婦順不修陰事不得謫見于天月為之蝕故月蝕則后素服而修六宮之

職蕩天下
之陰事

災成襲月

劉向說云秦胡亥立日月薄蝕熒襲月

八月

日在翼星律中南呂

月享壽星

享壽星于南如

祭馬祖

祭馬祖于大澤

採柏露以明眼

續齊諧記鄧紹八月旦入華山採藥見一童子

執五綵囊盛柏葉上露如珠滿囊紹問用此何為答曰赤松先生取以明眼言終失所在用

朱墨以點頭

荆楚記云八月一日以朱墨點小兒頭名為天灸以厭病也習

吹

命樂正習吹將釋奠

乃儺

天子乃儺以達秋氣

循行犧牲

視全具也申

嚴刑法

申嚴百刑無或枉撓斬殺必當無留有罪

嘗麻

天子嘗麻先薦寢廟種

麥

乃勸種麥

上丁之日

釋奠于國學

上戊之辰

釋奠于太廟擇

元日

擇元日命民社謂近秋分前後戊日

獻良裘

周禮司裘氏大裘以供王祀

天之服仲秋獻良裘天子之服至仲秋而獻

獲赤雀以銜書

尚書中侯曰季

秋赤雀銜冊

結寶囊以承露

梁簡文帝眼明囊賦序云婦人八月

旦多以錦翠珠寶爲眼明囊因凌晨取露以拭目

平權衡

是月也日夜分則同度量

平權衡

案芻豢

瞻肥瘠察物色必比類量小大五者備嘗

爲公

其穫

八月其穫迎寒

養老

杖行

糜 鴈已過而零其白露

白露之日鴻鴈來後五日燕雀歸羣鳥養羞

雷收聲而分彼素秋

秋分之日雷乃收聲後五日蟄垂坏戶水始涸

夕月

秋分日祀月于西郊

戒清風

四民月令曰清風戒寒趣織練帛

剝棗

八月斷壺壺瓠也入

仲商梁元帝纂要曰仲秋仲商也

秋節

天子居總章

太廟

庶人授几杖

是月養衰老授几杖

九月

日在角星律中無射

授衣之月

詩九月授衣

飭服

之辰

見下

是丹鳥含羞之日

夏小正曰九月丹鳥羞白鳥羞進也白鳥

致魴也當白虎應感之辰

帝王世紀曰扶始以季秋下旬夢白帝遺鳥罍

子旦而升丘見白虎其上有雲感已而生皋陶于曲阜

舉五穀之要

農事備修

當此月也

休百工之作

膠漆之作且休

伐蛟鼉

伐蛟取鼉

取鼉龜

登龜蟋蟀居戶

詩蟋蟀在戶

鴻鴈來賓

月令

伐薪伐薪為

必因殺氣嘗稻天子嘗稻具飭衣裳文繡有恒衣服有量冠帶有常

必循其故申嚴法令法令號令務納百官貴賤無不務納以會天地之藏無不

宣親嘗親嘗者嘗群神也天子親嘗使有既日出司祭于群神禮畢告侖于天子也既日

鴈來寒露之日鴻鴈來賓後五日雀乃觀豺祭入大水爲蛤後五日菊有黃花

霜降之日豺乃祭獸後五日咸俯見神倉有司舉五

穀之要藏帝藉于入室命有司寒氣摠至人獻

中倉祇敬必飭入室力不堪其皆入屋獻周禮司裘氏季秋秩芻以

四方之神宗廟社稷之靈爲蓄菜蓄人收斂務民祈福秩芻者謂草稂也

御冬習吹大享帝于築場九月築季商元帝之備明堂也場圃纂要

云九月曰高秋亦曰暮秋末秋殘
季商未商高秋秋杪秋亦曰授衣

重陽

重九魏文帝書曰歲往月來忽復九月九日九為陽數而日與月並應故曰重九登

高續齊諧記云桓景隨費長房登高謂曰九月九日汝家當有災異急令家人縫絳囊盛茱萸繫臂上登高飲菊花酒其禍乃銷景從其言

舉家登山夕還雞犬一時暴死今人九日登高

乃其遺事重陽佳辰九旻暮月宋傅亮九月九日登

佳辰肅晨駕而朝鳴鑾戾行宮謝瞻戲馬臺云

逝九旻之暮月商飈凝素籥賀敬九日詩云商飈

官馬臺也凝素籥玄覽責黃圖

白衣酒晉陽秋曰陶潛九月九日無酒宅邊摘菊盈把望見白衣人至乃王弘送酒便

飲酣醉

戲馬臺

南齊書云宋武帝爲公時在彭城九月九日出遊項羽戲馬臺

而今相承

菊制齡

陶潛詩云酒能祛百慮菊爲制頽齡

萸繫臂

西

雜記云九月九日漢

佩茱萸

西京雜記云漢武帝宮中人以茱萸繫臂

茱萸食餌飲菊

賜芳菊

魏文帝與鍾繇書曰九月九日草木徧枯而菊

芬然獨秀

授衣之月落帽之辰

見馬射

南齊書

九月九日馬射或說秋金

龍山

晉書孟嘉字萬年爲桓溫參軍

溫重之九月九日遊龍山寮佐畢集于時佐吏

並著戎服嘉醉有風吹落帽而不知覺溫使左

右無言欲觀其所措及如廁溫令孫盛作

文嘲之置坐處嘉還見之其答文甚美

黃花

綠酒

黍餌

玉燭寶典曰食餌者謂黍稷並收之也

菊杯

杯中泛菊花

歲華紀麗卷第四

唐韓諤撰 明沈士龍胡震亨同校

冬

冬爲玄英

梁元帝纂要云冬爲玄英亦帝稱顓

項神號玄冥

司寒

魏相曰北方之神顓項承坎執權而司寒

屬水

其日壬癸其音羽其數六其性智其事聽其味鹹其臭朽其祀行祭先賢食黍與鴈律窮

六律

歲暮

歲將暮時既昏

雲葉浮空

文選寒風積浮雲繁

冰澌結

水

立冬日水始水迎寒北郊

嚴雲

鮑昭冬日詩云嚴雲起亂山白日欲還次

兼豆

邢子才冬夜直史館詩云兼豆未能飽重衾詎解寒

星斗旋臨於亥位金

烏送次於房星

日舍房星

愛日

左冬日可愛

寒風

羽律

纔移乾風更肅

十月乾風至

霜樹盡摧於枯葉玉壺

漸結於輕冰

見上

松秀寒姿

冬嶺秀寒松

桂榮貞質

選桂

樹冬榮

當北戶墜扉之日

詩塞向墜戶以為寒備

是東臯穫

稻之辰

十月穫稻

風日

風曰寒風勁風嚴風厲風哀風陰風日曰愛日

草木

草曰寒卉黃草木曰寒木寒柯素木寒條

閉塞

月令天氣上騰地氣下降天地不通閉塞

而成

蓋藏

謹蓋藏循行積聚無有不類

祁寒

小民惟曰然

云暮

詩歲云暮矣

三餘

董遇曰冬歲之餘夜日之餘雨

時之餘為

五夜

冬之夜故有甲子之辰

三餘也

十月

日居房星律中應鍾

立冬而水始成冰

月令

之月水始冰後五日地始凍

小雪而虹藏不見

又曰小雪之日虹藏不見後五日天氣穫稻詩

上騰地氣下降後五日閉塞而成冬也

月穫稻

良月傳曰使以十月八月

水變冬姿

霜凝雪態

感清商而律變

謂秋改火

仰碧落以星

稀星

賞死恤孤

賞死事恤孤寡

戒門修鍵

城郭戒門問修關

鍵備邊境塞徑飾喪紀

移金水德

秋改於冬鶴語

之辰見雀化之日

家語立冬之日

祭寒

亥日祭司寒

祀地

立冬之日祀神
州地祇于北郊

氣迎北陸景送西郊

見槐

檀遽改於歲餘

冬取槐檀之火
又冬是歲之餘

晷度方知其晝

短

日短星昴
以正仲冬

隕籜

十月隕籜

滌場

詩十月滌場農
工畢酒掃場

種

稔已納

詩十月納禾
稼黍稷種種

蟋蟀入床

詩十月蟋蟀
入我床下

收

水澤之賦

無令侵削兆民以爲天子取怨于下
注水賦虫魚之類澤賦萑蒲之類

爲儲蓄之謀

崔寔注云十月農事畢五穀
既登家備儲蓄乃順時令也

時當

隕穉節及飲蒸

大飲蒸勞農以休息之注十月
農事既畢黨正屬民飲酒正齒

位是也詩云十月滌
場朋酒斯饗是也

當昏虛曉中

月令值宵長晝

短

易關市

來商旅納貨財便人事四方來集
遠方皆至貨財不匱上無乏用百

事乃

築城郭

是月也可以築城郭造宮室穿竇窖修困倉

菊謝籬金

冰生池玉

禮法月推於聰智晨昏星麗於虛

張

節及始裘

月令天子始裘

時當納稼

見上

霜勁盡摧

於槁葉

衆才搖落

嶺寒方秀於長松

冬嶺秀長松之色

候轉

秦正

漢書高祖十月始至霸上秦本十月爲歲首遂不革焉

氣迎魯朔

春秋

魯以此月告朔

寒律後彫於松柏

新煙已改於槐檀

見陽月

此時純陰用事嫌其無陽故曰陽月

命酒官

秫稻必齊麴蘗必時水泉

必香陶器必良火齊必得兼用六物酒官監之毋有差忒

陳祭器

命工師効功陳祭器

按度程無作淫巧勤工名以考其誠功有不當必行其罪

寒

焦溪沅温泉冰

並出雪賦

嚴凝之氣

禮記曰天地嚴凝之氣始于西

南而盛于西北是天地之義氣也

栗烈之風

詩云一之日厲風發二之日栗烈馬

蝟

文選云馬縮如蝟言寒也

木冰

左傳十三年雨水冰寒也

北戶墮扉

出雪

賦墮

裸壤垂繒

雪賦

十二三

漢高祖聞韓王信降匈奴將擊之連戰乘

勝逐北至樓煩會大寒士卒墮指者十二三

十六七

北方苦寒之地墮指者十六七

鞞冢

上音軍下音卓凍破瘡也漢鞞樓煩士卒鞞瘡

凌兢

其泉賦曰馳聞闐入凌兢

凌兢寒顛也

桐不華

周書時訓云清明之日桐不華則歲有大寒

黍可種

劉向別傳曰燕地寒谷不生五穀鄒衍吹律呂以煖之溫氣至五穀生因各黍谷

毒害

鳥獸

王莽鑄威斗是日天大寒百官人馬有凍死者漢竇武上表曰今日大寒過節毒害

鳥獸城邊竹

木皆為傷死

飢傷人馬

魏武苦寒行曰鳥失條

文選鳥登

木而失條

人墮指

見上

不堪

月令寒氣摠至人

耐游而耐寒也

冬日之陽

言其煖也

陰時則

慘

文選云在陰則

挾纒

左傳曰楚莊王圍蕭師多寒王撫巡之三軍之

土皆如

重衾

白鶴語

異苑曰晉太康二年南州人見二白鶴語于橋

下曰今茲寒不減

黃竹詩

穆天子遊黃臺之丘大寒雨雪人多凍死

堯崩年於是飛去

松柏彫

歲寒然後知松柏之後彫

狐貉冷

文

詩以愍之也

御狐貉之兼衣又襲狐貉

綈袍

須賈謂范雎曰范叔一寒如此

哉與之無褐詩曰無衣無慄凜下陰潛而激冷

以綈袍漸軸之冰文選轍含冰以減入地之

文選晨風漸軸之冰肌冰緊於凝泮入地之

凍廣雅云北方地苦寒冰稜軟文選稜稜霜并

凌思玄賦云魚矜鱗禋于六宗孔安國曰四時

月也星也水旱也謂之六宗運乎二氣日月運行涉水戰國

田鞏解裘與鑿池呂氏春秋曰衛靈公天寒鑿

涉水之老人寒哉春曰君衣孤裘坐熊席四阪有火故不寒

民衣敝不補履缺不莛寒矣公曰善遂罷後

定

小民怨咨書曰冬祁寒小君子齋戒月令以侍

民惟曰怨咨

陰陽之所

十一月

日在箕宿律中黃鍾

鶡鳥不鳴

大雪之日鶡鳥不鳴後五日

日虎始交後五日荔挺出蚯蚓乃結

冬至之日蚯蚓乃結後五日麋角解後五日水

動節及冰行音諧羽奏

鼎正仲冬

尚書云日短星昴注

也仲冬時稱亞歲

宋志云魏晉則冬至日受萬國朝賀因小會其儀亞于歲朝

表福臻而祥集故陰極以陽生

冬至日視朔良

辰

左傳僖五年正月辛亥朔日南至公既視朔遂登觀臺以望而書之

推元命節

桓譚新論曰通曆數家算法推考其紀從上古天文以來訖十一月甲子夜半朔冬至

方

晝短宵長之際

日短至陰陽爭又曰是陽升陰

化之初

陽初生陰乃化

分至啓閉當魯書雲瑞之辰絲

竹陶匏是漢賀日長之節

左傳凡分至啓閉必書雲物又青鳥氏司

啓玄鳥氏司分丹鳥氏司閉伯趙氏司至玉燭
實典曰冬至日南長律中黃鍾其管最長故有
履長之賀又漢雜記冬至陽氣起君道
長故賀夏至陰氣起君道衰故不賀

閉關

先王

以至日閉關
商旅不行

鑿冰

斬木之時
鑿冰之月

時方薦黍

見下

日

在牽牛

中氣

祁寒剡北陸之金鳥大雪語南州之

白鶴

見上

無作土事

月令曰無作土事無發室屋
及起大衆以固而閉地氣沮

泄是謂發天地之房民必疾
疫又隨以喪命之曰暢月

伐竹斬木

伐木取
竹箭注

云此時堅成
可伐取之

祀井泉

祈祀四海
大川名源

命宰謹審於門

問

命內宰申宮令審門閭謹房室必重閉雖有貴戚近習無有不禁

禁民不收

於牛馬

農有不收藏積聚者馬牛畜獸有放佚者取之不誥注禾在野牛馬傷之人有

取者不罪所以戒其主也

冬至

節次周正

周以十一月為正月

律移舜瑄

舜以玉瑄定律呂

節及

薦羔

崔寔四人月令冬至日薦黍羔先薦玄冥以及祖禰其進拜謁賀君師一如元日

時稱結蚓

冬至日蚯蚓結

周嵩舉酒

周嵩伯仁之弟冬至日舉酒白母跪

而泣曰伯仁為人志大才短名重識暗

崔浩定儀

見下 土灰在懸

漢書

冬至日懸土灰以定陰陽之氣

菁茅作貢

隋牛弘冬至軋元殿受賀詩云作貢菁茅

集來朝圭轍連

梁園而已飛六出

雪賦梁王不悅遊于兔園

漢殿而

曾奏八音

漢書天子以冬夏二至御前殿會八能之士陳入音聽樂均度晷景候鍾

律權土灰

鵙鳥不鳴

大雪之日鵙鳥不鳴

陽鳥緩翼

戴

禮方遵於坎德

十一月盛德在水坎水也

羲文俄變於乾爻

伏羲斷龜文以立八卦冬至一陽生配乾之初九

金翼南飛

日南至

玉杓

北指

建子位

漢樂曾陳於前殿魯雲爰紀於候臺

古候之臺

堊扉嚴景

非戶堊扉

就樂良辰

易通卦驗曰冬至日人主於堊

臣從樂五日以迎日至之禮注從就也

陳儀薦宗廟之竿

見上

表瑞

集文昌之雀

魏文帝黃初元年冬至日黃雀集于文昌殿前

水德方隆

陽爻乍振 盛吉正持於丹筆

後漢盛吉為廉尉每冬至夜定

罪決斷妻執燭吉持丹筆夫妻相向垂泣決事

王褒更審於黃鍾

王褒律令

表云師曠吹律知音律數始于黃鍾終于大呂故曰審

進履襪

後魏崔浩女儀曰迺

古婦人常以冬至進履襪于舅姑崔駰襪銘有建子之月助養元氣之事

祀星辰

今月

祀昊天上帝于圜丘注冬至日祀五方帝及日月星辰禮壇

日短影長

周禮冬至

日在牽牛影長一丈三尺夏至日在東井影長尺有五寸

雪

宮既東成

雪賦雪宮建于東回齊宣王見孟子于雪宮

山乃西峙

雪

峙于西域又傳曰太山冬夏有雪

謝安詠

世說謝氏內集講書俄而雪驟下太傅欣

然曰白雪紛紛何所似
兄子朗曰散鹽空中
曾子

歌

琴操曰曾子耕梁山雨雪
思父母乃作梁山之歌

北荒之明月

後周劉璠

雪賦云似北荒之明月
若西崑之閬風

雲夢之瓊田

陳正見雪詩云九冬飄遠

雪六出表豐年
生王樹雲夢起瓊田

三月失時

左傳云三月雨雪書失時子

猷乘舟

土子猷雪夜乘舟入剡溪訪戴安道既造門不前而返人問其故答曰乘輿而

來輿盡而返
何必見戴

婕妤詠扇

詩云新裂齊紈素皎潔如霜雪

盈尺寰

丈

雪賦云盈尺則呈瑞于豐年
衰丈則表珍于陰德

圓璧方珪

既因方而成珪

亦遇圓豐年
而為璧

傳曰豐年冬多積雪又
凡平地盈尺為大雪

時雪

時雪不降

又曰雨
言不時

玉樹銀花

並詞人取譬

擁袁安之門

見下救

焦先之屋

高士傳焦先爲野火燒屋遭冬雪大至屋倒焦袒臥不移人以爲死熟視

之宛然如故

萬頃同縞

時際則萬頃同縞

千巖俱白

瞻山則千巖俱

白海神來朝

大公伏符陰謀曰武王伐紂雨雪十餘日甲子朝五兩車騎止于王

師門尚父曰四海之神與河伯來受命

詞人未至

謝惠連雪賦梁王不悅遊于鬼

園乃置旨酒命賓友召鄒生延枚叟相如未至居客之右俄而微霰零密雪下

甲子見上

注庚辰

春秋盡與曰庚辰大雪深七尺

五騎効靈三英作賦

三英

卯鄒陽枚臯司馬相知也

輕雲流風

洛神賦髣髴若若輕雲之蔽月飄飄若若流風

雪之迴

郢客歌

選客有歌于郢中者

飛鷺舞

趙飛鷺如

旋風之迴雪也

穿履之行

東郭先生久待公車貧困衣履不完行雪中履有上無下

足盡閉門而臥洛陽大雪丈餘縣令出見袁安踐地門無行跡謂安已死令人入戶

見安偃臥問安何以不出安曰大雪人皆乏食不宜干人令賢之遂舉孝廉

山海經云由首之山小威之天地寒大戴記曰山空桑之山冬夏常有雪

溫則爲雨千里之渡詩云飄飄千里寒則爲雪五穀之精

江勝之書曰雪者五穀之浸牛目孟子曰勝文精古今收雪水以浸五穀

天大雨雪渡龍沙見蘇武羊毛蘇武沒于蕃羊至于牛目

王恭鶴氅世說王恭衣鶴氅雪中行望見若神仙積於三冬語曰

積雪夏飄其六出韓詩外傳云其霧詩雨雪無餘糧

塗又雨雪霧霧霏霏詩上天同雲雨雪霧霏又昔我往矣楊柳依依今我

來思雨
雪霏霏
漉漉
詩雨雪
皚皚
選積雪皚皚
入隙
始

馨而冒棟終
開簾而入隙
照書
孫康家貧常
照雪讀書
麻衣
曹風以麻
衣比色曹

風麻衣
如雪
蘭曲
楚話以幽蘭
儷曲宋
玉作幽蘭白雪之曲

冰

履霜而至
易曰履霜
堅冰至
積水所成
選云層冰為
生

於水而寒於水
荀子壯以風而解以風
左傳云冰
以風壯月

令云東
風解凍
夏蟲疑
夏蟲不可以語冰天台
春魚上

見玉甃
晉江道冰賦云穿重城之
夷盤
周禮盛
冰之器

涸泝
凝也
淋漓
泮也
狐聽之而將渡
述征記曰河冰
始合要狐先行

方可**鼠食之以求生**神異記北方有冰厚百丈

長百尺可為褥却**凝池**東晉曰薄冰凝池非登

風寒其肉重于斤**凝池**廟之寶零露垂林非綴

冕之飾必將採素壁于**琢冰**文中子曰曰巧冶不

層山選圓珠于重泉也**琢冰**能銷木良匠不能

家**鳥覆而既因后稷**姜原踐巨人跡而生子弃

冰**鳥覆而既因后稷**之寒冰上鳥覆翼之後取

養之以**魚跳而只為王祥**王祥母思生魚河水

為后稷**魚跳而只為王祥**冰寒魚不可得祥乃

泣忽一朝冰開有鱗**六尺**晁錯上書狐貉之地

鯉魚躍出得以奉母**六尺**積陰之處木皮三寸

冰厚**百丈**見土**履薄**詩如履**涉春**書心之憂危

六尺**百丈**注**履薄**薄冰**涉春**若涉春冰

寒靚餅中淮南子曰見一葉之落知歲之**清窺**

暮靚餅中之冰知天下之寒**清窺**

壺內選詩云清**光武渡河**光武為王郎所逐至

如玉壺冰**光武渡河**滹沱河兵進急無船

不可渡使王霸往視問冰堅否霸恐驚衆還報曰冰牢可渡比衆至河冰已合矣帝遂得渡

慕容蹈海

王隱晉書慕容晃上言躬征平郭遠假陛下天地之威精誠感靈海爲結

冰凌行海中三百餘里

冬凝春泮

淮南子曰冬則水凝爲冰春則冰散爲水

結水成

見

東海之蠶

拾遺記云東海中貝嶠山有冰蚕長七寸有鱗角重

雪覆之則爲繭色有五采

北方之鼠

見

陷冰之丸

後漢清州刺史焦和

恐賊乘冰過河多作陷冰丸以投河中賊衆遂潰

削冰之火

博物志曰削冰令圓

舉以向日以艾承其影則有火出

以凝之水

周禮水有時以凝

治之冰

海賦曰陽冰不冶陰火潛然

馴致

易

負重

鄧析書曰明君之御

民若乘奔而無轡若履冰而負重言其懼也

王祥泣而葉公飲

莊子葉公

曰吾夔無欲清之人今吾朝句踐抱而袁譚推

受命而夕飲冰我其內熱歟吳越春秋曰越王念吳欲復怨非一旦也苦思

勞心夜以接日冬寒則抱冰魏志袁譚時云三推冰注時冰凍未泮渙然渙然冰釋又皚

合不得降之未泮未泮渙然渙然冰釋又皚皚思玄賦行積冰之皚峨峨楚詞層時燠日冬

至無冰夜結寒冰夜結亦曰朝疑

藏冰

天子命藏命有司冰方山人乃取左傳山人取

與人納之隸人藏採於山陰又云其藏冰也深

於是納於凌室詩云二之日鑿冰冲冲今之十二

月爲二月故云二之日鑿冰冲冲水聲也又其
三之日納于凌陰即今之三月凌陰即凌室其

冰方盛乃祭司寒

傳云其藏冰也乃用黑牡秬黍以享司寒其出之也挑驅

棘矢以除其災其出天也時祭寒而藏

幽詩云

鑿上見周禮見頒

周禮凌人夏頒冰注云暑氣盛王以冰頒賜羣臣也

慮蟲

疑之時不可闕也及狐聽之日于以藏之藏

時而日在虛危

左傳云古者北陸而藏之即今十二月也西陸朝覲而出之即

今二月也

出際而鳥飛鼎畢

傳云其周之也徧食肉之家冰皆與焉凌

人治鑑

盛冰器也

有司祭寒

三倍爲防

凌人斬冰三其凌注

三倍其冰三之者爲消釋度也

三時不害

傳云徧及于老病則春無凄風秋無苦雨

藏則無災

又云無災霜雹癘疾不降

否則用咎

今藏用池之冰弃而

不用風不越而殺也

開冰

祭韭獻羔

詩四之日其蚤獻羔祭韭四之日今之二月也又月令云立春後天子獻

羔開冰先薦寢廟

挑弧棘矢

見上

春治冰鑑祭供夷盤

並見周禮凌人

冬伐

謂將藏也伐冰之家不畜牛羊

夏頒

見上

春開冰

秋刷

見凌人注刷除冰室當更納新冰

取順沍寒用資清暑

獻羔而啓之

見上

出火而畢賦

左傳云公始用之火出而畢賦自命

夫命婦至于老疾無不受冰

老病必受

見上

喪祭亦霑

大夫命婦喪浴

祭用冰也冰室春開玉壺夏薦致夏蟲之疑闕而

爲罪遇時燠之變責則難加冬乃無水食祿之家廷朝

之祿位賓食喪祭于是乎用之凌人之職祭祀共冰鑑賓客共冰大喪共夷盤冰

十二月

南斗臨烏大呂中律昏奎曉亢雞乳鵲巢 鴈

鄉而方驗小寒小寒之日鴈北向後五日雞乳鵲始巢後五日野雉始雊雞乳

而始明中氣大寒之日雞始乳後五日鷲驚鵲鳥方疾後五日水澤腹堅蜡百

神於南郊月令蜡百神于南郊爲來年祈福于天宗天宗日月星辰也蜡膈日祭之名

也習五戎於北面月令乃教畋獵習戎班馬政命僕及七駟咸駕載旌旒授

車以級司徒摺朴北面將帥講武亦射御角力

誓之注誓衆以軍法

天子厲飾天子乃厲飾執弓挾矢以獵攜

于天

日窮于次月窮于紀星回于天數將紀終磔犬送寒大雉旁磔

磔犬殺金

以助木氣嘗魚薦廟天子親往嘗徵咸獻於九

州

九州之人無不咸獻其力以供皇天上論所

宜於百縣

合諸侯制百縣為來歲受朔日與諸

以給郊

廟之事季冬亦曰暮餘月歲窮

日

陽德

春秋內事曰日火精范子計然曰冠三光

者陽德之母也

之首爲七曜之先

三光日月星七曜
五星與日月也

朱炎艷於

建陽

何晏景福殿賦云開建
陽則朱炎艷朱炎日也

神州耀乎靈景

左

沖詠史詩云皎天舒
白日靈景耀神州

三足

日中陽
鳥三足

九芒

日彩
九芒麗

天

易日月
麗乎天

出地

文子曰日出于
地萬物蕃息

方旭

郭璞南郊
賦云時當

青陽日
在方旭

半規

謝靈運遊南亭詩密林
含餘清廷峰隱半規

寸晷

文選
寸晷

無留
影

分陰

晉陶侃曰聖人尚惜
寸陰凡俗當惜分陰

桑榆

選云桑
榆暮景

藿

傾心
向日

曝儒士之腹

赫隆
晒書

炙野人之背

傳云負
日之暄

人莫之
知也

貞明

易日月
貞明

寅餞

書寅餞
納日

火德明輝

離

火爲
日

陽精正色

說文云日爲
太陽之精

可畏可愛

見
上不縮

不盈

土圭測景不縮不盈

並明

天子與日月並明照四方也

久照

易云日月

得天而能久照

出東方

出自東方照臨下土

在北陸

左傳日在北陸而藏冰

魯陽揮戈

魯陽與韓戰酣日暮揮戈而日退三舍

后羿發箭

淮南子記

堯時有十日並出羿射九鳥死焉

實也

說文云日者實也太陽之精

就之

堯紀

就之日名

陽德陽精大明暉靈駿鳥東君陽鳥日御曰羲和

日狀

日中則晏

杲杲出日春日遲遲如日之升我日斯邁日云暮矣

朝東門

禮黑冕而朝日于東門之

外在西陸

日在西陸而出冰

劍揮

虞公與夏戰日欲落公以劍指日日乃退

不箭射

見上

逐有夸父

山海經云夸父與日爭走乃渴死于道弃杖而成鄧

林送有秦皇

恨賦秦始皇巡海右而送日

冬日陽夏日陰

文子

言此二者
物皆歸之
長繩恨無長繩
雙麗文選日雙麗**無二**無天

日**方中**

方中之

論遠近而長聞明帝

晉明帝少時元帝問曰日

近長安近答云只見人從長安來不見人從日邊至及來日集羣臣乃言日近帝失色對曰舉

頭見日不見

爭小大而難答小兒

列子曰孔子東遊見兩小

兒辯問其故一兒曰我以日始出時近而日中時遠也一兒曰我以日初時遠而日中時近

也一兒曰日初出大如車蓋及日中則如盤盂此不為遠者小而近者大乎一兒曰日初出滄

滄涼涼及其中如探湯此不為近者熱而遠者涼乎孔子不能決兩小兒笑曰孰謂汝多知乎

白駒

莊子曰人生世中如白駒之過隙

赤羽

子路曰赤羽若日

揭行如

日月**騎走**

莊子曰挾宇

扶桑

淮南子曰日初出于暘谷登于扶桑

入干 虞泉 若木 日所出也 既無私照相代而明 日月無私照

臘

祖日爲盛臘日爲衰 五行盛則爲祖衰則爲臘漢以火德火衰於戌故以

戌日爲臘魏以上德上衰于辰故以辰日爲臘 魏以土而用辰 見晉以

金而取丑 金衰於丑 殷曰嘉平 別名也 周名大蜡 蜡者索也

漢改名爲臘 尹軌或賜於神藥 神仙傳尹軌字公度晉大康元年臘日過

洛陽城西一家求宿主人以明旦是臘意不容又以曾聞公度名因爲設酒至旦乃賜主人神

藥一丸 甄宇不擇於瘦羊 東觀漢記甄宇字長文拜博士臘日詔賜

羊或言大小肥瘦欲接鈎字乃 聞盜樹 陳留志云范喬取瘦羊後乃詔問瘦羊博士

邑人臘日盜斫其樹人皆之祥不聞邑人愧
而歸之喬曰卿臘日取柴與父母相權耳
矜

竊食

袁宏後漢書曰韓卓字子助陳留人臘
日奴竊食祭先人卓義其心矜而免之
祠

黃石

史記張良於下邳圯橋見老人得書云他
目穀城見黃石即我也果見取而宝祀之

留侯死并黃石葬之
每伏臘上冢祠黃石
報有功
漢書儀曰報鬼神

民改之而嗤於王莽
陳咸

王莽篡位還家杜門
及臘日咸言我之

虞公

傳云虞
公不臘

萬物而索饗

祭先祖蜡

臘者獵也

歲終大祭

儼

送寒

為抑

月

抑

為官

皮執戈

乍階

漢高祖文皇帝

矢有飛龍蛇矣鼈

挑孤棘矢無樂

偶也言矢無限火馳風

流言飛磔飛磔雨散剛

疾也飛磔惡馳之名磔

可以
厭鬼
囚耕父
囚耕父於清冷
女魁並鬼名清冷

淤光

殘夔臚與魁象殘野
仲而藏淤光皆鬼名
魁戩